

Broj: 03-11-1371/2021  
Sarajevo, 09.12.2021. godine

PARLAMENT FEDERACIJE  
BOSNE I HERCEGOVINE

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

- Predstavnički dom -  
gosp. Mirsad Zaimović, predsjedavajući

Primljeno: 10-12-2021			
Org. jed	Broj	Prilog	Vrijednost
01,02	-11-	2351	1/21

- Dom naroda -  
gosp. Tomislav Martinović, predsjedavajući

Poštovani,

U skladu sa članom 27. stav (7) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19), a u vezi sa članom 152. stav (2) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 143. stav (2) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), radi razmatranja i donošenja, dostavljam Vam **PRIJEDLOG ODLUKE O DAVANJU SAGLASNOSTI NA FINANSIJSKI PLAN ZAVODA ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE ZA 2022. GODINU I ODLUKU O NAČINU IZVRŠAVANJA FINANSIJSKOG PLANA ZAVODA ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE ZA 2022. GODINU**, koji je utvrdila Vlada Federacije Bosne i Hercegovine na 294. sjednici, održanoj 09.12.2021. godine.

Također, u prilogu Vam dostavljam:

1. Zaključak Vlade Federacije BiH o prihvatanju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluke o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu;
2. Odluke koje je Upravni odbor Zavoda zdravstvenog osiguranja i reosiguranja Federacije BiH donio na 113. sjednici, održanoj 17.11.2021. godine, i to:
  - a) Odluku o usvajanju Prijedloga finansijskog plana Zavoda zdravstvenog osiguranja i reosiguranja Federacije BiH za 2022. godinu, broj: 02/IV-01-1-3558-1/21 od 17.11.2021. godine, Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Finansijski plan rashoda fonda solidarnosti Federacije Bosne i Hercegovine za 2022. godinu (Anex I),
  - b) Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu, broj: 02/IV-01-1-3554-1/21 od 17.11.2021. godine i
  - c) Obrazac IFP NE.

Prijedlog odluke sa ostalom dokumentacijom se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,

Prilog: kao u tekstu na bosanskom jeziku

Cc: Federalno ministarstvo zdravstva



PREMIJER  
Fadil Novalić

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) na prijedlog Federalnog ministarstva zdravstva, Vlada Federacije Bosne i Hercegovine, na 294. sjednici održanoj 09.12.2021. godine, d o n o s i

## ZAKLJUČAK

### o prihvatanju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluke o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu

1. Prihvataju se:
  - Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i
  - Odluka o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu.
2. Materijale iz tačke 1. ovog zaključka Vlada Federacije Bosne i Hercegovine dostavit će Parlamentu Federacije Bosne i Hercegovine, a radi razmatranja i davanja saglasnosti.
3. Ovaj zaključak stupa na snagu danom donošenja.

V. broj: 1810 /2021  
09.12.2021. godine  
Sarajevo



PREMIJER  
Fadil Novalić

**PRIJEDLOG**

**ODLUKA  
O DAVANJU SAGLASNOSTI NA**

- **FINANSIJSKI PLAN ZAVODA ZDRAVSTVENOG OSIGURANJA I REOSIGURANJA FEDERACIJE BIH ZA 2022. GODINU**
- **ODLUKU O NAČINU IZVRŠAVANJA FINANSIJSKOG PLANA ZAVODA ZDRAVSTVENOG OSIGURANJA I REOSIGURANJA FEDERACIJE BIH ZA 2022.GODINU**

**Sarajevo, decembar 2021. godine**

Na osnovu člana 27. stav (7.) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Predstavnički dom Parlamenta Federacije Bosne i Hercegovine, na \_\_ sjednici održanoj \_\_\_\_2021. godine i Dom naroda Parlamenta Federacije Bosne i Hercegovine na \_\_ sjednici održanoj \_\_\_\_2021. godine, d o n i o  
j e

## **ODLUKU**

**o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2022. godinu**

### **I**

Daje se saglasnost na:

- Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i
- Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2022. godinu.

### **II**

Dokumenti iz tačke I nalaze se u prilogu ove odluke i čine njen sastavni dio.

### **III**

Ova odluka stupa na snagu narednog dana od dana objavljivanja u „Službenim novinama Federacije BiH“.

Broj: \_\_\_\_\_

Datum: \_\_\_\_\_

Predsjedavajući  
Doma naroda  
Parlamenta Federacije BiH

Predsjedavajući  
Predstavničkog doma  
Parlamenta Federacije BiH

## **OBRAZLOŽENJE**

### **Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2022.godinu**

#### **I - ZAKONSKI OSNOV**

Zakonski osnov za donošenje Odluke o davanju saglasnosti na Finansijski plan za 2022. godinu Zavoda zdravstvenog osiguranja i reosiguranja Federacije Bosne i Hercegovine sadržan je u članu 27. stav (7) Zakona o budžetima u Federaciji BiH („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19).

#### **II - RAZLOZI ZA DONOŠENJE**

Na osnovu odredbi člana 27. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i odredbe člana 104. Zakona o zdravstvenom osiguranju („Službene novine Federacije BiH“, br. 30/07, 7/02, 70/08, 48/11 i 36/18) Zavod zdravstvenog osiguranja i reosiguranja Federacije Bosne i Hercegovine izradio je Finansijski plan za 2022. godinu, koji se putem Federalnog ministarstva zdravstva dostavlja Vladi Federacije Bosne i Hercegovine na razmatranje, a Vlada Federacije Parlamentu Federacije BiH na razmatranje i davanje saglasnosti.

Saglasno navedenim propisima, a radi razmatranja i davanja saglasnosti, dostavljeni su sljedeći materijali:

- Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i
- Odluka o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2022.godinu.

Imajući u vidu naprijed navedeno, finansijske planove usvaja Parlament Federacije Bosne i Hercegovine shodno odredbi člana 27. Zakona o budžetima Federacije BiH.

#### **III - OBRAZLOŽENJE**

Tačkom I Odluke daje se saglasnost na Finansijski plan Zavoda zdravstvenog osiguranja i reosiguranja Federacije BiH za 2022. godinu, kao i na Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2022.godinu.

Tačkom II Odluke definirano je da su dokumenti iz tačke I sastavni dio ove Odluke i da se nalaze u prilogu.

Tačkom III Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

#### **IV - FINANSIJSKA SREDSTVA**

Za realizaciju ove odluke nisu potrebna dodatna izdvajanja sredstava iz Budžeta Federacije BiH.

**Zavod zdravstvenog osiguranja  
i reosiguranja Federacije  
Bosne i Hercegovine  
Sarajevo**

Na osnovu člana 104.stav 1.,alineja 3. Zakona o zdravstvenom osiguranju ("Sl. novine Federacije BiH", br:30/97,07/02 70/08, 48/11 i 36/18),člana. 27. Zakona o budžetima u Federaciji Bosne i Hercegovine,(„Sl.novine Federacije BiH“, broj:102/13, 9/14,13/14,8/15, 91/15,102/15 104/16, 5/18, 11/19 i 99/19), člana 29. stav 4.Statuta Zavoda zdravstvenog osiguranja i reosiguranja Federacije Bosne i Hercegovine, („Sl.novine Federacije BiH“, broj:69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 113. sjednici, održanoj, dana, 17.11.2021.godine, donosi:

**ODLUKU**

**o usvajanju Prijedloga finansijskog plana Zavoda zdravstvenog osiguranja i reosiguranja Federacije BiH za 2022.godinu**

**I**

Donosi se Prijedlog finansijskog plana Zavoda zdravstvenog osiguranja i reosiguranja Federacije BiH za 2022.godinu.

**II**

Prijedlog finansijskog plana Zavoda zdravstvenog osiguranja i reosiguranja Federacije BiH za 2022.godinu će putem Federalnog ministarstva zdravstva biti dostavljen na usvajanje Parlamentu Federacije Bosne i Hercegovine.

**III**

Realizaciju ovog Finansijskog plana, pratit će Stručna služba Zavoda zdravstvenog osiguranja i reosiguranja Federacije Bosne i Hercegovine i o tome obavještavati Upravni odbor radi praćenja izvršenja prihoda i rashoda Zavoda zdravstvenog osiguranja i reosiguranja Federacije Bosne i Hercegovine za 2022.godinu.

**IV**

Sastavni dio ove Odluke je Finansijski plan Zavoda zdravstvenog osiguranja i reosiguranja Federacije BiH za 2022.godinu, koji će se primjenjivati nakon donošenja Odluke o davanju saglasnosti od strane Parlamenta Federacije Bosne i Hercegovine.

**V**

Ova Odluka stupa na snagu danom donošenja.

Broj:02/IV-01-1-3558-1/21

Sarajevo,17.11.2021.godine

Predsjednik Upravnog odbora

Snježana Bodnaruk.dipl.prav.





BOSNA I HERCEGOVINA / FEDERACIJA BOSNE I HERCEGOVINE  
ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE  
BOSNIA AND HERZEGOVINA / FEDERATION OF BOSNIA AND HERZEGOVINA  
FBIH INSTITUTE FOR HEALTH INSURANCE AND REINSURANCE

Zavod zdravstvenog osiguranja i reosiguranja  
Federacije Bosne i Hercegovine

Finansijski plan Zavoda zdravstvenog osiguranja i reosiguranja  
Federacije Bosne i Hercegovine za 2022. godinu

Sarajevo, novembar 2021. godine

## SADRŽAJ

1. OSNOVE ZA DONOŠENJE FINANSIJSKOG PLANA .....	1
2. DJELATNOST FEDERALNOG ZAVODA OSIGURANJA I REOSIGURANJA.....	1
3. SADRŽAJ FINANSIJSKOG PLANA .....	2
4. PRIHODI .....	2
5. RASHODI.....	5
5.1.1. Plate, naknade i troškovi zaposlenih.....	6
5.1.2. Doprinosi poslodavca i ostali doprinosi.....	6
5.1.3. Izdaci za materijal i usluge.....	6
6. KAPITALNI IZDACI.....	9
7. STRUKTURA I BROJ ZAPOSLENIH .....	9
8. PRILOG.....	9



## 1. OSNOVE ZA DONOŠENJE FINANSIJSKOG PLANA

U skladu sa odredbama člana 27. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i odredbama člana 104 Zakona o zdravstvenom osiguranju ("Službene novine Federacije Bosne i Hercegovine", broj 30/97, 07/02, 70/08, 48/11 i 36/18) Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je utvrdio Prijedlog finansijskog plana Federalnog zavoda osiguranja i reosiguranja za 2022. godinu (u daljem tekstu: Finansijski plan Federalnog zavoda osiguranja i reosiguranja).

Finansijski plan Federalnog zavoda osiguranja i reosiguranja za 2022. godinu je utvrđen na osnovu:

- Smjernica za izradu zahtjeva budžetskih korisnika Budžeta Vlade Federacije Bosne i Hercegovine za period 2022-2024. godina,
- Dokumenta okvirnog budžeta Zavoda zdravstvenog osiguranja i reosiguranja Federacije Bosne i Hercegovine za period 2022.-2024. godina,
- Budžetskih instrukcija broj 2. za 2022. godinu,
- Budžetskog zahtjeva za finansiranje federalnog fonda solidarnosti za 2022. godinu sa projekcijom za period 2023-2024. godina,
- Normativnih akata Federalnog zavoda osiguranja i reosiguranja.

## 2. DJELATNOST FEDERALNOG ZAVODA OSIGURANJA I REOSIGURANJA

Federalni zavod osiguranja i reosiguranja, u skladu sa odredbama Zakona o zdravstvenom osiguranju i drugim podzakonskim aktima obavlja slijedeće poslove:

- praćenja politike sprovođenja i unapređivanja obaveznog zdravstvenog osiguranja i koordiniranje rada kantonalnih zavoda osiguranja u tom domenu,
- obezbijediti ostvarivanje prava osiguranika za zdravstvene usluge i lijekove iz programa federalnog fonda solidarnosti,
- učešće u izradi podzakonskih akata u vezi sa ostvarivanjem prava iz obaveznog zdravstvenog osiguranja,
- poslova provođenja zdravstvene zaštite po osnovu međunarodnih konvencija i sporazuma o zdravstvenom osiguranju, i zdravstvene zaštite po osnovu detašmana;
- planiranja i prikupljanja sredstava federalnog fonda solidarnosti za realizaciju zdravstvenih usluga iz programa federalne solidarnosti, saglasno Odluci o utvrđivanju Osnovnog paketa zdravstvenih prava („Službene novine Federacije Bosne i Hercegovine“, broj 21/09),
- provođenja postupka nabavki za potrebe provođenja programa federalnog fonda solidarnosti i rada Stručne službe u skladu sa zakonskim propisima,
- pripremanja osnova za utvrđivanje cijena i cjenovnika zdravstvenih usluga iz obaveznog zdravstvenog osiguranja,
- izrade obračuna ukupnih sredstava ostvarenih i utrošenih u zdravstvu Federacije Bosne i Hercegovine,
- učešće u projektima sistemskih reformi u oblasti zdravstva.

### 3. SADRŽAJ FINANSIJSKOG PLANA

Finansijskim planom Federalnog zavoda osiguranja i reosiguranja za 2022. godinu se planiraju prihodi po izvorima sredstava i rashodi po namjenama prema ekonomskoj klasifikaciji, te kapitalni izdaci.

Uz Finansijski plan Federalnog zavoda osiguranja i reosiguranja posebno je urađen Finansijski plan rashoda federalnog fonda solidarnosti za 2022. godinu (Anex I) koji čini sastavni dio ovog Finansijskog plana.

### 4. PRIHODI

Federalni zavod osiguranja i reosiguranja planira u 2022. godini ostvariti prihode u ukupnom iznosu od 191.606.000 KM iz slijedećih izvora:

- doprinosa za obavezno zdravstveno osiguranje u Federaciji BiH, u iznosu od 156.300.000 KM,
- paušalnih naknada po osnovu osiguranja ino osiguranika, u iznosu od 3.600.000 KM,
- dodatnog doprinosa za zdravstvenu zaštitu zaposlenika na radu u inostranstvu (u daljem tekstu: doprinos za detaširane radnike), u iznosu od - 950.000 KM,
- sredstava iz Budžeta Federacije BiH po osnovu transfera u iznosu od 30.500.000 KM, od čega 28.500.000 KM za programe federalnog fonda solidarnosti, a 2.000.000 KM za finansiranje liječenja povratnika iz Federacije BiH u R. Srpsku,
- Prihodi po osnovu učešća u međunarodnim projektima u iznosu od 90.000 KM,
- ostalih prihoda u iznosu od 166.000 KM.

Ukupno raspoloživi prihodi Federalnog zavoda osiguranja i reosiguranja za 2022. godinu, nakon izdvajanja obaveznih rezervi za zdravstvenu zaštitu detaširanih radnika saglasno Odluci o utvrđivanju doprinosa za zdravstveno osiguranje zaposlenika na radu u inostranstvu ("Sl. novine Federacije BiH", broj 74/08 i 22/20), planiraju se u iznosu od 191.511.000 KM.

Prihodi od doprinosa za obavezno zdravstveno osiguranje u Federaciji BiH u 2022. godini planirani su po stopi od 10,2% od ukupnih prihoda iz obaveznog zdravstvenog osiguranja, a na ime finansiranja federalnog fonda solidarnosti u skladu sa Zakonom o zdravstvenom osiguranju.

S obzirom da visinu stope doprinosa za federalni fond solidarnosti utvrđuje Vlada Federacije BiH za svaku godinu, a da za 2022. godinu Odluka o izdvajanju sredstava u fond solidarnosti Federacije Bosne i Hercegovine nije izmjenjena do izrade ovog Finansijskog plana, procjena prihoda za 2022. godinu je urađena po stopi od 10,2% koja je utvrđena za 2021. godinu.

Prihodi od paušalnih naknada ino osiguranika planiraju se u ukupnom iznosu od 3.600.000 KM.

Prihodi od doprinosa za zdravstvenu zaštitu radnika na radu u inostranstvu (u daljem tekstu: detaširani radnici) u 2022. godini planiraju se u iznosu od 950.000 KM.

U skladu sa Odlukom o utvrđivanju doprinosa za zdravstveno osiguranje zaposlenika na radu u inostranstvu planirani prihodi od doprinosa će se koristiti za pokriće troškova za zdravstvenu zaštitu detaširanih radnika u inostranstvu, za pokriće dijela materijalnih troškova Stručne službe u funkciji izvršavanja poslova vezanih za zdravstveno osiguranje i zdravstvenu zaštitu detaširanih radnika (3% od iznosa naplaćenih sredstava ovog doprinosa) i na ime obaveznih rezervi za pokriće troškova zdravstvene zaštite detaširanih radnika u slučajevima kada se sa zakašnjenjem ispostavljaju fakture po osnovu izvršenih usluga zdravstvene zaštite detaširanim radnicima (10% od iznosa naplaćenih sredstava ovog doprinosa).

Saglasno navedenom, za 2022. godinu planirana su sredstva:

- za zdravstvenu zaštitu detaširanih radnika u iznosu od 826.500 KM,
- za pokriće dijela materijalnih troškova Stručne službe u iznosu od 28.500 KM, i
- za obavezne rezerve detašmana u iznosu od 95.000 KM.

Od naplaćenih sredstava po osnovu doprinosa za zdravstvenu zaštitu detaširanih radnika, a po izdvajanju za gore navedene namjene eventualno preostala naplaćena sredstva će se vratiti poslodavcima ili će se evidentirati kao akontacija za obaveze poslodavaca za naredni period, a saglasno tački XI Odlukom o utvrđivanju doprinosa za zdravstveno osiguranje zaposlenika na radu u inostranstvu.

Iz Budžeta Federacije BiH planiraju se sredstva u ukupnom iznosu od 30.500.000 KM, od čega za:

- programe federalnog fonda solidarnosti u iznosu od 28.500.000 KM,
- namjenskih sredstva iz Budžeta Federacije BiH za liječenje povratnika u R Spsku u iznosu od 2.000.000 KM,

Prihodi od tekućih transfera po osnovu međunarodih projekata u 2022. godini planirani su u iznosu od 90.000 KM, a na osnovu potpisanog ugovora o dodjeli sredstava za projekat br.ADRION 1228. Zavod zdravstvenog osiguranja i reosiguranja FBiH učestvuje kao projektni partner iz BiH u projektima iz trećeg poziva (3CfP) u okviru programa ADRION 2014-2020. Sporazum o partnerstvu potpisan je u svrhu implementacije projekta ADRION 1228- SI4CARE, kojeg finansira Program Interreg Adrion. Sredstva će se koristiti u svrhu implementacije projekta, odnosno za namjene predviđene sporazumom o partnerstvu.

Ostali prihodi u 2021. godini se planiraju u ukupnom iznosu od 166.000 KM i odnose se na finansijske rabate dobavljača isporučilaca lijekova, naplate penala po osnovu neizvršavanja ugovornih odredbi dobavljača i ostali neplanirani prihodi.

Plan prihoda za 2022. godinu po izvorima sredstava utvrđen je u skladu sa ekonomskom klasifikacijom propisanom od strane Federalnog ministarstva finansija i prikazan je u Tabeli 1. koja slijedi.

Tabela 1

R. br.	Stavka	Plan 2021.	Izvršenje I-VI 2021.	Plan 2022.	Ind (5/3)
1	2	3	4	5	6
<b>1.</b>	<b>Doprinos za socijalnu zaštitu</b>	<b>150.750.000</b>	<b>76.832.940</b>	<b>160.850.000</b>	<b>107</b>
1.1.	Prihodi od doprinosa za obavezno zdravstveno osiguranje u FBiH	147.000.000	75.843.396	156.300.000	106
1.2.	Prihodi od doprinosa od ino osiguranika (paušali)	3.000.000	601.040	3.600.000	120
1.3.	Prihodi od dodatnog doprinosa za detaširane radnike	750.000	388.504	950.000	127
2.	Prihodi od poduzetničkih aktivnosti, imovine i pozitivnih kursnih razlika (fin.rabati, bife, ostali nepl.prihodi)	6.000	740.409	106.000	1.767
3.	Naknade i pristojbe i prihodi od pružanja javnih usluga (naplaćene garancije, ref.bolovanja i ostali nepl.prihodi)	23.000	45.974	60.000	261
4.	Primljeni tekući transferi po osnovu međunarodnih projekata			90.000	
<b>5.</b>	<b>Primljeni tekući transferi od ostalih nivoa vlasti</b>	<b>30.910.254</b>	<b>0</b>	<b>30.500.000</b>	<b>99</b>
5.1.	Primljeni tekući transferi od Budžeta FBiH za fond solidarnosti	28.500.000	0	28.500.000	100
5.2.	Primljeni tekući transferi od Budžeta FBiH za liječenje povratnika u RS	2.410.254	0	2.000.000	83
<b>6</b>	<b>Donacije</b>	<b>0</b>	<b>88.485</b>		
	<b>Ukupno prihodi</b>	<b>181.689.254</b>	<b>77.707.808</b>	<b>191.606.000</b>	<b>105</b>
	Obavezne rezerve za zdravstvenu zaštitu detaširanih radnika	75.000	38.850	95.000	127
	Više uplaćena sredstva za zaštitu detaširanih radnika	0	92.498	0	
	<b>Ukupno raspoloživi prihodi</b>	<b>181.614.254</b>	<b>77.576.459</b>	<b>191.511.000</b>	<b>105</b>
	<b>Neurošeni višak prihoda nad rashodima ranijeg perioda za finansiranje usluga i lijekova po Odluci Upravnog odbora</b>	<b>17.998.370</b>			<b>0</b>
	<b>UKUPNO RASPOLOŽIVA SREDSTVA ZA LIJEKOVE USLUGE I STRUČNU SLUŽBU</b>	<b>199.612.624</b>	<b>77.576.459</b>	<b>191.511.000</b>	<b>96</b>

Rebalansom finansijskog plana za 2021. godinu neurošena sredstva viška prihoda nad rashodima iz ranijih perioda po Godišnjem obračunu za 2020. godinu u iznosu od 17.998.370 KM raspoređena su: na programe federalnog fonda solidarnosti 17.550.000 KM, za kapitalne izdatke započete u 2020. godini koji će se realizovati u 2021. godini 58.170 KM i za kapitalne izdatke u 2021. godini sredstva u iznosu od 390.200 KM.

## 5. RASHODI

Ukupni tekući rashodi, kapitalni izdaci i tekuća rezerva Federalnog zavoda osiguranja i reosiguranja planirani su za 2022. godinu u iznosu od 191.511.000 KM.

Plan ukupnih rashoda Federalnog zavoda osiguranja i reosiguranja za 2022. godinu prikazan je i po namjenama, prema ekonomskoj klasifikaciji propisanoj od strane Federalnog ministarstva finansija. Plan rashoda prema ekonomskoj klasifikaciji prikazuje se u Tabeli 2 koja slijedi.

Tabela 2

Konto	Stavka	Plan 2021.	Izvršenje I-VI 2021.	Plan 2022.	Ind (5/3)
1	2	3	4	5	6
	<b>Plate naknade i troškovi zaposlenih</b>	<b>2.514.000</b>	<b>1.245.615</b>	<b>2.603.000</b>	<b>104</b>
6111	Bruto plaće i naknade plate	2.225.000	1.031.585	2.300.000	103
6112	Naknade troškova zaposlenih	289.000	214.031	303.000	105
6121	Doprinosi poslodavca	230.000	107.634	253.000	110
	<b>Izdaci za materijal i usluge</b>	<b>194.420.254</b>	<b>94.781.257</b>	<b>187.452.650</b>	<b>96</b>
6131	Putni troškovi	40.000	10.746	53.000	133
6132	Izdaci za energiju	50.000	22.807	50.000	100
6133	Izdaci za komunikaciju i komunalne usluge	80.000	34.807	80.000	100
6134	Nabavka materijala i sitnog inventara	110.178.600	56.683.849	106.883.000	97
	Administrativni materijal	66.000	18.961	66.000	100
	Medicinski potrošni materijal	18.300.000	9.393.645	18.300.000	100
	Lijekovi	91.812.600	47.271.243	88.517.000	96
6135	Izdaci za usluge prijevoza i gorivo	12.000	3.263	12.000	100
6137	Izdaci za tekuće održavanje	128.800	26.640	70.000	54
6138	Izdaci osiguranja, bankarskih usluga i usluga platnog prometa	109.000	11.747	209.000	192
<b>6139</b>	<b>Ugovorene i druge posebne usluge</b>	<b>83.821.854</b>	<b>37.987.396</b>	<b>80.095.650</b>	<b>96</b>
	Ostale usluge za Stručnu službu	265.900	79.028	324.150	122
	Ostale usluge sa fond solidarnosti	309.000	61.877	275.000	89
	Zdravstvene usluge u Federaciji BiH	69.344.454	32.539.433	66.120.000	95
	Usluge liječenja u inostranstvu	13.000.000	4.904.022	12.000.000	92
	Usluge liječenja detaširanih radnika	652.500	245.500	826.500	127
	Refundacija troškova liječenja u skladu sa Pravilnikom o načinu ostvarivanja prava iz obaveznog zdravstvenog osiguranja	250.000	157.536	250.000	100
	Preventivni programi			300.000	
<b>8210</b>	<b>Izdaci za kapitalna ulaganja</b>	<b>448.370</b>	<b>4.968</b>	<b>102.350</b>	<b>23</b>
	<b>UKUPNO TEKUĆI RASHODI</b>	<b>197.612.624</b>	<b>96.139.474</b>	<b>190.411.000</b>	<b>96</b>
	Tekuća rezerva	2.000.000		1.100.000	55
	<b>UKUPNO TEKUĆI RASHODI I TEKUĆA REZERVA</b>	<b>199.612.624</b>	<b>96.139.474</b>	<b>191.511.000</b>	<b>96</b>

### 5.1.1. Plate, naknade i troškovi zaposlenih

Izdaci za plate i naknade troškova zaposlenih evidentiranih u okviru grupe konta 611 obuhvataju troškove bruto plata i naknade troškova zaposlenih u Stručnoj službi Federalnog zavoda osiguranja i reosiguranja i u 2022. godini planiraju se u iznosu od 2.603.000 KM. Povećanje planiranih troškova za plate i naknade plata je izvršeno iz po osnovu planiranog prijema četiri nova uposlenika, kao i po osnovu troškova otpremnina za uposlenike koji stiču zakonsko pravo za prestanak radnog odnosa po osnovu penzionisanja.

Troškovi za bruto plate planirani su iznosu od 2.300.000 KM i veći su za 4% u odnosu na planirane za 2021. godinu iz razloga planiranog prijema četiri uposlenika (VSS i SSS).

Naknade troškova zaposlenih u 2022. godini planiraju se u iznosu od 303.000 KM. Povećanje naknada troškova zaposlenih najvećim dijelom je rezultat planiranih otpremnina za pet uposlenika koji u 2022. godini stiču zakonsko pravo za prestanak radnog odnosa po osnovu penzionisanja. Naknade troškova zaposlenih pored otpremnina obuhvataju naknade troškova prevoza na posao i sa posla, naknade za topli obrok uposlenika, naknade za regres za godišnji odmor, pomoći u slučaju smrti i teže invalidnosti, i ostale naknade.

### 5.1.2. Doprinosi poslodavca i ostali doprinosi

U 2022. godini doprinosi poslodavaca planiraju se u iznosu od 253.000 KM. Visina doprinosa planirana je u skladu sa planiranim brojem zaposlenih u 2022. godini, kao i odredbama Zakona o doprinosima i Zakona o porezu na dohodak.

### 5.1.3. Izdaci za materijal i usluge

Izdaci za materijal i usluge Finansijskim planom za 2022. godinu planiraju se u iznosu od 187.452.650 KM i obuhvataju troškove kako slijedi.

#### 5.1.3.1. Putni troškovi

Izdaci za putne troškove za 2022. godinu planirani su u ukupnom iznosu od 53.000 KM. Iznos od 40.000 KM će se finansirati iz sredstava Federalnog zavoda osiguranja, reosiguranja dok će se ostatak u iznosu od 13.000 KM finansirati iz namjenskih sredstava po osnovu učešća u međunarodnom projektu ADRION 1228- SI4CARE. Ovi izdaci su utvrđeni na osnovu planiranih aktivnosti zaposlenih u Stručnoj Službi Zavoda za koje su predviđena službena putovanja i obuhvataju: troškove dnevnica, prevoza i smještaja na službenim putovanjima. Iznos naknada za dnevnicu je usklađen sa Uredbom o naknadama troškova za službena putovanja ("Sl.novine Federacije BiH", br.44/16 i 50/16).

#### 5.1.3.2. Izdaci za energiju

Izdaci za energiju za 2022. godinu planirani su u iznosu od 50.000 KM na bazi izvršenja u periodu I-VI 2021. godine i procjene ostvarenja do kraja 2021. godine. Izdaci za enegriju obuhvataju troškove električne energije i troškove centralnog grijanja.

#### 5.1.3.3. Izdaci za komunikaciju i komunalne usluge

Za komunikaciju i komunalne usluge u 2022. godini planirani su ukupni izdaci u iznosu od 80.000 KM i odnose se na izdatke vezane za PTT usluge, vodu i kanalizaciju i izdatke za održavanje čistoće i odvoz smeća.

#### 5.1.3.4. Nabavka materijala i sitnog inventara

Izdaci za nabavku materijala obuhvataju izdatke za nabavku:

- administrativnog materijala i sitnog inventara,
- medicinskog potrošnog materijala, i
- lijekova.

Izdaci za nabavku administrativnog materijala odnose se na troškove kancelarijskog materijala, sitnog inventara, materijala za čišćenje, troškove stručnog obrazovanja kadrova, materijala za čišćenje itd. U 2022. godini ovi troškovi planirani su u iznosu od 66.000 KM.

Izdaci za nabavku medicinskog potrošnog materijala planirani su u ukupnom iznosu od 18.300.000 KM i obuhvataju:

- nabavku potrošnog materijala za usluge hemodijalize u iznosu od 17.500.000 KM,
- nabavku aparata, trakice za kontrolu šećera u krvi kod djece, kao i nabavku pumpica za dijabetes, u iznosu od 800.000 KM.

Ovi izdaci su iskazani u okviru rashoda federalnog fonda solidarnosti čija detaljna obrazloženja su data u Finansijskom planu federalnog fonda solidarnosti (Anex I).

Izdaci za lijekove u 2022. godini planirani su u ukupnom iznosu od 88.517.000 KM, a obuhvataju nabavku lijekova iz programa federalnog fonda solidarnosti koji su utvrđeni važećom Listom lijekova fonda solidarnosti.

Detaljna obrazloženja data su u Finansijskom planu federalnog fonda solidarnosti (Anex I).

#### 5.1.3.5. Izdaci za usluge prijevoza, registraciju vozila i gorivo

Izdaci za usluge prijevoza, registraciju vozila i gorivo u 2022. godini planiraju se u iznosu od 12.000 KM.

#### 5.1.3.6. Izdaci za tekuće održavanje

Izdaci za tekuće održavanje u 2022. godini planiraju se u iznosu od 70.000 KM, a obuhvataju troškove tekućeg i investicionog održavanja opreme i građevina.

#### 5.1.3.7. Izdaci osiguranja, bankarskih usluga i usluga platnog prometa

Izdaci osiguranja, bankarskih usluga i usluga platnog prometa u 2022. godini planiraju se u ukupnom iznosu od 209.000 KM, a odnose se na troškove osiguranja zaposlenih od nesreća, osiguranja službenih vozila, te troškove bankarskih usluga. Na troškove osiguranja vozila i zaposlenih planirani su izdaci u iznosu od 9.000 KM dok su planirani izdaci za bankarske usluge 200.000 KM. Planirani izdaci za bankarske usluge su značajno povećani iz razloga što je došlo do promjene tržišnog stanja, tj. došlo je do korekcije stope naknade na sredstva

iznad obavezne rezerve na računima rezervi banaka kod Centralne banke Bosne i Hercegovine, koja će se primjenjivati od 01.01.2022. godine, a što će dovesti do povećanja troškova bankarskih usluga Federalnog zavoda.

#### 5.1.3.8. Ugovorene i druge posebne usluge

Za ugovorene i druge posebne usluge u 2022. godini planirani su rashodi u ukupnom iznosu od 80.095.650 KM, i obuhvataju:

- troškove zdravstvenih usluga u zdravstvenim ustanovama u Federaciji BiH,
- troškove zdravstvenih usluga u zdravstvenim ustanovama u inostranstvu,
- troškove zdravstvene zaštite detaširanih radnika,
- refundacija troškova liječenja u skladu sa Pravilnikom o načinu ostvarivanja prava iz obaveznog zdravstvenog osiguranja,
- preventivne programe
- troškovi usluga vezanih za funkcionisanje fonda solidarnosti,
- ostale troškove usluga Stručne službe,

Za zdravstvene usluge u 2022. godini planirani su rashodi u ukupnom iznosu od 78.946.500 KM od čega:

- za zdravstvene usluge koje će se pružati u zdravstvenim ustanovama u Federaciji BiH, a koje se finansiraju sredstvima federalnog fonda solidarnosti 66.120.000 KM,
- za zdravstvene troškove liječenja u inostranstvu za oboljenja koja se finansiraju sredstvima federalnog fonda solidarnosti, a u skladu sa Pravilnikom o uslovima i postupku upućivanja osiguranih lica na liječenje u inostranstvo 12.000.000 KM i
- za zdravstvenu zaštitu detaširanih radnika 826.500 KM.

Rashodi za zdravstvene usluge koje se finansiraju sredstvima federalnog fonda solidarnosti detaljno su obrazloženi u Finansijskom planu federalnog fonda solidarnosti (Anex I).

Troškovi usluga vezanih za funkcionisanje fonda solidarnosti planirani su u iznosu od 275.000 KM, a odnose se na ostale troškove u funkciji provođenja programa federalnog fonda solidarnosti i obuhvataju troškove stručnih komisija za izdavanje saglasnosti za liječenje na teret sredstava fonda solidarnosti, troškovi objave tendera za nabavku lijekova i 60% troškova bankarske provizije, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl. novine Federacije BiH“, br. 22/02 i 11/05).

Izdaci za ostale usluge vezane za rad Stručne službe planirani su u iznosu od 324.150 KM i odnose se na usluge obezbjeđenja i zaštite poslovne zgrade Federalnog zavoda osiguranja i reosiguranja, ugovorne prevodilačke usluge za poslove prevođenja konvencija po međunarodnim sporazumima, troškove reprezentacije, sistematske preglede uposlenika, advokatske usluge i naknada za članove Upravnog odbora Federalnog zavoda osiguranja i reosiguranja i ostale neplanirane usluge.

U skladu sa Pravilnikom o dopuni pravilnika o načinu ostvarivanja prava iz obaveznog zdravstvenog osiguranja („Sl. novine Federacije BiH“, br.31/02 i 20/19) osigurana osoba može ostvariti sufinansiranje troškova pruženih zdravstvenih



usluga, nabavke lijekova i medicinskih sredstava, na način i pod uslovima definisanim Pravilnikom. Po ovom osnovu u 2022. godini planirani su izdaci u ukupnom iznosu od 250.000 KM.

U skladu sa Odlukom o utvrđivanju Osnovnog paketa zdravstvenih prava ("Sl.novine Federacije BiH" br.21/09) i Odlukom o utvrđivanju prioritetnih vertikalnih programa zdravstvene zaštite od interesa za Federaciju BiH i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije BiH ("Sl.novine Federacije BiH", broj 08/05, 11/07, 44/07, 97a/07, 33/08 i 52/08) u 2022. godini planirana su sredstva u iznosu od 300.000 na ime preventivnih programa. Programom zdravstvene zaštite koji se finansira sredstvima fonda solidarnosti za 2022. godinu će biti utvrđeno koji preventivni program će se finansirati.

## 6. KAPITALNI IZDACI

Kapitalni izdaci u 2022. godini planiraju se u ukupnom iznosu od 102.350 KM. Sredstva za realizaciju kapitalnih izdataka u iznosu od 100.000 KM će se obezbijediti iz tekućeg prihoda Federalnog zavoda osiguranja i reosiguranja, dok će se preostali dio u iznosu od 2.350 obezbijediti iz sredstava po osnovu učešća u međunarodnom projektu ADRION 1228- SI4CARE.

Planirana sredstva će se utrošiti u nabavku inofrmatičke opreme, softvera, kancelarijskog namještaja i rekonstrukciju poslovnih prostorija Zavoda.

## 7. STRUKTURA I BROJ ZAPOSLENIH

Trenutni broj uposlenih u Zavodu je 53. U 2022. godini planiran je prijem četiri nova uposlenika i to tri uposlenika sa visokom stručnom spremom i jedan uposlenik sa srednjom stručnom spremom.

Pregled planiranog broja uposlenika u 2022. prema kvalifikacionoj strukturi, prikazan je u narednoj tabeli.

Stručna sprema	Trenutni broj uposlenika	Planirani broj uposlenika u 2022.g.
VSS	30	33
VSS	2	2
SSS	17	18
VKV	1	1
KV	3	3
<b>UKUPNO</b>	<b>53</b>	<b>57</b>

## 8. PRILOG

Finansijski plan federalnog fonda solidarnosti za 2022. godinu - Anex I  
Finansijski plan Zavoda zdravstvenog osiguranja i reosiguranja Federacije BiH za 2022. godinu će se primjenjivati po dobivanju saglasnosti od Parlamenta Federacije BiH, saglasno čl. 27 Zakona o budžetima u Federaciji BiH.



BOSNA I HERCEGOVINA / FEDERACIJA BOSNE I HERCEGOVINE  
**ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE**  
BOSNIA AND HERZEGOVINA / FEDERATION OF BOSNIA AND HERZEGOVINA  
FBIH INSTITUTE FOR HEALTH INSURANCE AND REINSURANCE

**Zavod zdravstvenog osiguranja i reosiguranja  
Federacije Bosne i Hercegovine**

Anex I

**Finansijski Plan rashoda fonda solidarnosti  
Federacije Bosne i Hercegovine za 2022. godinu**

**Sarajevo, novembar 2021. godine**

## Sadržaj

UVOD.....	1
1. FINANSIJSKI PLAN RASHODA FEDERALNOG FONDA SOLIDARNOSTI U 2022. GODINI.....	1
1.1. Rashodi.....	1
2. ZDRAVSTVENE USLUGE.....	4
2.1. Usluge hronične i akutne hemodijalize.....	5
2.2. Prijevoz na hemodijalizu.....	5
2.3. Usluge radioterapije kod malignih oboljenja.....	5
2.4. Usluge dijagnostičkih pretraga na hepatitisa C i težih oblika hepatitisa B.....	6
2.5. Usluge ugradnje kohlearnog implantata kod djece.....	6
2.6. Usluge humane reprodukcija lica sa invaliditetom.....	6
2.7. Usluge dobrovoljnog i anonimnog savjetovanja i testiranja na HIV/AIDS.....	6
2.8. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu.....	7
2.9. Usluge iz oblasti kardiologije i kardiohirurgije.....	7
2.10. Usluge iz oblasti neurohirurgije.....	8
2.11. Usluge iz oblasti ortopedije i traumatologije.....	8
2.12. Usluge iz oblasti torakohirurgije.....	9
2.13. Usluge iz oblasti transplantologije.....	9
2.14. Usluge iz oblasti nuklearne medicine.....	10
2.15. Usluge PET/CT.....	10
2.16. Usluge iz oblasti vaskularne hirurgije i invazivno-interventnih procedura na krvnim sudovima.....	10
2.17. Usluge iz oblasti urologije.....	11
2.18. Terapija hiperbaričnom komorom.....	11
3. LIJEKOVI I POTROŠNI MEDICINSKI MATERIJAL.....	11
3.1. Citostatici.....	12
3.2. Lijekovi za dijalizu.....	12
3.3. Potrošni materijal za dijalizu.....	13
3.4. Lijekovi za liječenje oboljelih od hemofilije.....	13
3.5. Humani imunoglobulini.....	13
3.6. Lijekovi za liječenje oboljelih od Hepatitisa C i B.....	13
3.7. Lijekovi za liječenje multiple skleroze.....	13
3.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa).....	14
3.9. Lijekovi za liječenje plućne hipertenzije kod djece.....	14
3.10. Lijekovi za liječenje tuberkuloze.....	14
3.11. Antri-retrovirusni lijekovi.....	14
3.12. Lijekovi za profilaksu respiratornog sincijalnog virusa (RSV).....	15
3.13. Aparati, pumpice i trakice za kontrolu šećera u krvi.....	15
3.14. Imunosupresivni lijekovi.....	15

4. BOLNIČKO LIJEČENJE POVRATNIKA IZ FBIH U OPĆINE U RS .....	15
5. LIJEČENJE U INOSTRANSTVU .....	16
6. OSTALI RASHODI U FUNKCIJI PROVOĐENJA PROGRAMA SOLIDARNOSTI... ..	17
7. SUFINANSIRANJE TROŠKOVA PRUŽENIH ZDRAVSTVENIH USLUGA, NABAVKE LIJEKOVA I MEDICINSKIH SREDSTAVA.....	17
8. TEKUĆA REZERVA .....	17

## UVOD

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je saglasno odredbama člana 27. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i odredbama člana 104. Zakona o zdravstvenom osiguranju, izradio Prijedlog finansijskog plana rashoda fonda solidarnosti Federacije Bosne i Hercegovine za 2022. godinu (u daljem tekstu: Finansijski plan federalnog fonda solidarnosti).

Finansijski plan federalnog fonda solidarnosti za 2022. godinu utvrđen je na osnovu:

- Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH" broj: 08/05, 11/07, 44/07, 97a/07, 33/08 i 52/08), u daljem tekstu: Odluka o prioriternim programima,
- Odluke o utvrđivanju Osnovnog paketa zdravstvenih prava („Službene novine Federacije BiH" broj 21/09);
- Odluke o kriterijima i načinu korištenja sredstava fonda solidarnosti Federacije Bosne i Hercegovine ("Službene novine Federacije BiH" br.22/02 i 11/05);
- Pravilnika o uvjetima i postupku upućivanja osiguranih lica na liječenje u inostranstvo („Službene novine Federacije BiH", 93/13, 102/15, 16/19 i 22/19);

## 1. FINANSIJSKI PLAN RASHODA FEDERALNOG FONDA SOLIDARNOSTI U 2022. GODINI

### 1.1. Rashodi

Rashodi federalnog fonda solidarnosti planiraju se po programima, odnosno po vrsti zdravstvenih usluga, vrsti lijekova prema vrsti oboljenja i potrošnog medicinskog materijala koji se finansiraju sredstvima federalnog fonda solidarnosti.

Programom zdravstvene zaštite koji se finansira sredstvima federalnog fonda solidarnosti za 2022. godinu definirani su programi koji obuhvataju:

1. Zdravstvene usluge koje će se pružati osiguranim licima iz Federacije BiH u zdravstvenim ustanovama u Federaciji BiH (u daljem tekstu: zdravstvene usluge);
2. Lijekove i potrošni medicinski materijal utvrđen Listom lijekova federalnog fonda solidarnosti i medicinska sredstva koji se koriste u pružanju zdravstvenih usluga (u daljem tekstu: lijekovi i medicinska sredstva).
3. Rashodi na teret namjenskih sredstava iz Budžeta Federacije BiH-Bolničko liječenje povratnika iz Federacije BiH u općine u RS (u daljem tekstu: liječenje povratnika);

4. Oboljenja i stanja koja će se liječiti u zdravstvenim ustanovama u inostranstvu u skladu sa Pravilnikom o uslovima i postupku liječenja osiguranih lica u inostranstvu (u daljem tekstu: liječenje u inostranstvu);
5. Zdravstvena zaštita detaširanih radnika u inostranstvu.
6. Preventivni programi

Pored navedenih programa u 2022. godini planirani su:

- Troškovi usluga u funkciji provođenja programa federalnog fonda solidarnosti i odnose se na troškove stručnih komisija za izdavanje saglasnosti za liječenje na teret sredstava fonda solidarnosti, troškovi objave tendera za nabavku lijekova i 60% troškova bankarske provizije, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl. novine Federacije BiH“, br. 22/02 i 11/05).
- Rashodi po osnovu sufinansiranja troškova pruženih zdravstvenih usluga, nabavke lijekova i medicinskih sredstava u skladu sa Pravilnikom o ostvarivanju prava iz obaveznog zdravstvenog osiguranja („Sl. novine Federacije BiH“, br. 31/02 i 20/19).

Za provođenje programa fonda solidarnosti za 2022. godinu planiraju se rashodi u ukupnim iznosu od 185.882.000 KM, od čega:

- za zdravstvene usluge 64.120.000 KM,
- za lijekove i potrošni medicinski materijal 106.817.000 KM
- za bolničko liječenje povratnika iz Federacije BiH u RS iznos od 2.000.000 KM,
- za liječenje u inostranstvu 12.000.000 KM,
- za preventivni programe 300.000 KM,
- za sufinansiranje troškova pruženih zdravstvenih usluga, nabavke lijekova i medicinskih sredstava u skladu sa Pravilnikom o načinu ostvarivanja prava iz obaveznog zdravstvenog osiguranja, iznos od 250.000 KM,
- za ostale rashode federalnog fonda solidarnosti iznos od 395.000 KM.

Pregled planiranih rashoda fonda solidarnosti u 2021. godini, ostvarenih u periodu I-VI 2021. godine, te planiranih u 2022. godini prikazan je u Tabeli 2 koja slijedi.

Tabela 2

R. br.	RASHODI	Plan 2021.	Izvršenje I-VI 2021.	Plan 2022.	Ind (5/3)
1	2	3	4	5	6
<b>I</b>	<b>ZDRAVSTVENE USLUGE</b>	<b>66.934.000</b>	<b>31.584.818</b>	<b>64.120.000</b>	<b>96</b>
1	Hronična, akutna hemodijaliza i peritonealna dijaliza	7.200.000	3.176.790	7.200.000	100
2	Prijevoz na hemodijalizu	1.800.000	787.338	1.800.000	100
3	Radioterapija kod malignih oboljenja	7.500.000	3.151.947	7.100.000	95
4	Dijagnostičke pretrage za dijagnosticiranje hepatitisa B i C	100.000	49.420	100.000	100
5	Ugradnja kohlearnog implantata kod djece	100.000	18.172	200.000	200
6	Humana reprodukcija lica sa invaliditetom	20.000	0	20.000	100
7	Usluge dobrovoljnog, anonimnog i besplatnog savjetovanja i testiranja na HIV/AIDS	120.000	46.477	100.000	83
8	Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	250.000	103.675	250.000	100
9	Kardiologija i kardiohirurgija u FBiH	37.494.000	18.598.588	35.000.000	93
10	Neurohirurgija u FBiH	4.000.000	1.964.221	4.000.000	100
11	Ortopedija i traumatologija	500.000	209.780	500.000	100
12	Torakohirurgija	400.000	137.484	400.000	100
13	Transplantacija (priprema za transplantaciju sa transplantacijom jetre, bubrega, koštane srži, rožnice)	2.500.000	965.172	2.500.000	100
14	Nuklearna medicina - visokodozna terapija karcinoma štitnjače radioaktivnim jodom J-132	250.000	134.080	250.000	100
15	Usluge PET/CT za djecu do navršениh 18 godina starosti	10.000	1.501	10.000	100
16	Vaskularna hirurgija	4.500.000	2.171.935	4.500.000	100
17	Najsloženiji oblici zdravstvene zaštite iz oblasti urologije (inplantacija vještačkog sfinktera uretre i cistektomija sa supravvezikalnom derivacijom)	140.000	43.500	140.000	100
18	Terapija hiperbaričnom komorom	50.000	24.738	50.000	100
<b>II</b>	<b>LIJEKOVI I POTROŠNI MEDICINSKI MATERIJAL</b>	<b>110.112.600</b>	<b>56.664.888</b>	<b>106.817.000</b>	<b>97</b>
20	Citostatici	59.992.600	31.578.595	56.787.000	95
21	Lijekovi za dijalizu	6.200.000	2.888.928	6.200.000	100
22	Potrošni materijal hronične, akutne i peritonealne dijalize	17.500.000	8.948.398	17.500.000	100
23	Lijekovi za liječenje oboljelih od hemofilije	7.500.000	4.123.079	7.850.000	105
24	Humani imunoglobulin	850.000	330.339	800.000	94
25	Lijekovi za liječenje oboljelih od hepatitisa B i C	3.500.000	1.321.000	3.500.000	100
26	Lijekovi za liječenje Multiple skleroze	5.900.000	2.890.668	5.500.000	93
27	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	3.100.000	1.571.298	3.100.000	100
28	Lijekovi za liječenje plućne hipertenzije	200.000	121.767	250.000	125
29	Lijekovi za liječenje tuberkuloze	120.000	35.205	80.000	67

30	Antiretrovirusni lijekovi za liječenje oboljelih od HIV/AIDS	1.100.000	645.476	1.100.000	100
31	Program profilakse respiratornog sincicijalnog virusa (RSV) ugroženih grupa djece palivizumabom u F BiH	1.350.000	900.221	1.350.000	100
32	Nabavka traka i aparata za kontrolu dijabetesa	800.000	445.248	800.000	100
33	Imunosupresivni lijekovi nakon transplantacije organa	2.000.000	864.666	2.000.000	100
<b>III</b>	<b>RASHODI NA TERET NAMJENSKIH TRANSFERA IZ BUDŽETA FBIH</b>	<b>2.410.454</b>	<b>954.615</b>	<b>2.000.000</b>	<b>83</b>
34	Bolničko liječenje povratnika u općine u RS, po Odluci Vlade FBiH	2.410.454	954.615	2.000.000	83
<b>IV</b>	<b>LIJEČENJE U INOSTRANSTVU</b>	<b>13.000.000</b>	<b>4.904.022</b>	<b>12.000.000</b>	<b>92</b>
35	Program liječenja u inostranstvu	13.000.000	4.904.022	12.000.000	92
<b>V</b>	<b>PREVENTIVNI PROGRAMI</b>	<b>0</b>	<b>0</b>	<b>300.000</b>	
36	Preventivni programi	0		300.000	
<b>VI</b>	<b>OSTALI RASHODI U FUNKCIJI PROVOĐENJA PROGRAMA SOLIDARNOSTI</b>	<b>369.000</b>	<b>67.701</b>	<b>395.000</b>	<b>107</b>
37	Ostali rashodi u funkciji provođenja programa solidarnosti	369.000	67.701	395.000	107
<b>VII</b>	<b>Refundacija troškova liječenja u skladu sa Pravilnikom o načinu ostvarivanja prava iz obaveznog zdravstvenog osiguranja</b>	<b>250.000</b>	<b>157.536</b>	<b>250.000</b>	<b>100</b>
38	Refundacije troškova liječenja	250.000	157.536	250.000	100
<b>VIII</b>	<b>RASHODI ZA IZVRŠENJE PROGRAMA FEDERALNE SOLIDARNOSTI (I+II+III+IV+V+VI+VII)</b>	<b>193.076.054</b>	<b>94.333.581</b>	<b>185.882.000</b>	<b>96</b>
<b>IX</b>	<b>TEKUĆA REZERVA</b>	<b>2.000.000</b>		<b>1.100.000</b>	<b>55</b>
<b>X</b>	<b>UKUPNO RASHODI I TEKUĆA REZERVA (VIII+IX)</b>	<b>195.076.054</b>	<b>94.333.581</b>	<b>186.982.000</b>	<b>96</b>

## 2. ZDRAVSTVENE USLUGE

Sredstvima federalnog fonda solidarnosti u 2022. godini će se financirati pružanje zdravstvenih usluga u skladu sa Odlukom o utvrđivanju prioriteta vertikalnih programa zdravstvene zaštite od interesa za Federaciju BiH i prioriteta najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije BiH.

Pružanje zdravstvenih usluga ugovoriće se sa zdravstvenim ustanovama u Federaciji BiH koje su verificirane od strane Federalnog ministarstva zdravstva.

Planom obima usluga za 2022. godinu utvrdit će se sadržaj i obim usluga koji će se ugovoriti sa svakom zdravstvenom ustanovom.

Zdravstvene usluge će se plaćati po cijenama utvrđenim Cjenovnikom zdravstvenih usluga koje se financiraju sredstvima federalnog fonda solidarnosti. Za zdravstvene usluge za koje se koriste implantati, pored cijene posebno će se priznavati i plaćati troškovi implantata na način i u iznosima koji su utvrđeni Cjenovnikom zdravstvenih usluga u skladu sa odlukama Upravnog odbora Federalnog zavoda osiguranja i reosiguranja.



Finansijskim planom za 2022. godinu za finansiranje zdravstvenih usluga u zdravstvenim ustanovama u Federaciji BiH su planirana sredstva u iznosu od 64.120.000 KM.

Sredstva su raspoređena kako slijedi.

## **2.1. Usluge hronične i akutne hemodijalize**

Planirani rashodi za pružanje usluga hronične i akutne hemodijalize u 2022. godini pacijentima sa terminalnim stadijem bubrežne insuficijencije se planiraju u ukupnom iznosu od 7.200.000 KM. Ovi rashodi uključuju:

- troškovi rada medicinskog tima, saglasno standardima i normativima zdravstvene zaštite;
- toplog obroka za pacijente tokom tretmana hronične hemodijalize, prema utvrđenoj jediničnoj cijeni za obrok/pacijent;

## **2.2. Prijevoz na hemodijalizu**

Za prijevoz pacijenata na hemodijalizu sredstvima federalnog fonda solidarnosti u 2022. godini će se sufinansirati troškovi po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a koje su utvrđene prema broju pređenih kilometara.

Ukupni rashodi za prijevoz pacijenata na dijalizu u 2022. godini se planiraju u iznosu od 1.800.000 KM.

Prijevoz pacijenata na dijalizu vršit će domovi zdravlja i druge zdravstvene ustanove ovlaštene za obavljanje usluga prijevoza pacijenata na dijalizu sa kojima će se zaključiti ugovori.

## **2.3. Usluge radioterapije kod malignih oboljenja**

Planirani rashodi za pružanje usluga radioterapije u 2022. godinu su 7.100.000 KM. Usluge radioterapije će se plaćati po cijenama utvrđenim po lokalizacijama (organima) zračenja. Cijene usluga radioterapije su utvrđene na osnovu prosječnih troškova koji uključuju troškove pripreme za zračenje, terapiju zračenjem i kontrole tokom zračenja.

Pored ovih troškova, za pacijente kojima se usluge radioterapije pružaju hospitalno, finansirati će se i troškovi ležanja u bolnici po cijeni BO dana iz Tarife zdravstvenih usluga utvrđenoj za hroničnu hospitalizaciju na odjelu onkologije i to u prosjeku od 30 dana ležanja.

Usluge radioterapije u 2022. godini će se pružati svim oboljelim od malignih oboljenja za koja se indicira terapija zračenjem. Radioterapijski tretman se provodi hospitalno ili ambulantno u ovisnosti od stanja bolesnika i blizine mjesta boravka bolesnika. Hospitalni tretman se određuje bolesnicima iz udaljenih područja u Federaciji BiH i bolesnicima sa poodmaklim stadijem maligniteta.

Broj usluga radioterapije po vrsti malignih oboljenja i po zdravstvenim ustanovama, kao i broj BO dana će biti utvrđen Planom obima usluga za 2022. godinu.

#### **2.4. Usluge dijagnostičkih pretraga na hepatitisa C i težih oblika hepatitisa B**

U 2022. godini planiraju se sredstva za finansiranje dijagnostičkih pretraga na Hepatitis C i teških oblika Hepatitisa B u ukupnom iznosu od 100.000 KM, i to

- dijagnostičke pretrage na hepatitis C (biopsija jetre sa histološkom interpretacijom, HCV RNA kvantitativni i kvalitativni i genotipizacija);
- dijagnostičke pretrage na hepatitis B (biopsija jetre sa histološkom interpretacijom i HVB DNA kvantitativni).

#### **2.5. Usluge ugradnje kohlearnog implantata kod djece**

Za ugradnju kohlearnog implantata (vještačke pužnice) kod djece u 2022. godini planiraju se rashodi u iznosu od 200.000 KM.

Sredstvima federalnog fonda solidarnosti vršiče se sufinansiranje ugradnje kohlearnog implantata, odnosno zamjene procesora na kohlearnom implantatu i to u visini od 50% cijene kohlearnog implantata odnosno procesora.

Troškovi ugradnje kohlearnog implantata uključuju troškove nabavke implantata, te troškove usluge ugradnje u zdravstvenoj ustanovi. Razliku od preostalih 50% troškova finansiraju kantonalni zavodi zdravstvenog osiguranja.

#### **2.6. Usluge humane reprodukcija lica sa invaliditetom**

Za lica sa invaliditetom u okviru ovog programa u 2022. godini finansiraće se troškovi zdravstvenih usluga koji se odnose na Program humane reprodukcije, a troškovi dijagnostičkih i laboratorijskih usluga koje prethode zdravstvenim uslugama iz programa humane reprodukcije će se finansirati na teret sredstava kantonalnih zavoda zdravstvenog osiguranja.

Troškovi iz programa humane reprodukcije će se plaćati po jediničnim cijenama, a najviše do iznosa ukupnih troškova utvrđenih po jednom slučaju saglasno Cjenovniku zdravstvenih usluga koje se finansiraju sredstvima federalnog fonda solidarnosti.

Izuzetno, licima sa invaliditetom kojima su usluge iz programa humane reprodukcije pružene u zdravstvenim ustanovama sa kojima Federalni zavod osiguranja i reosiguranja nema zaključen ugovor o pružanju ovih usluga, izvršiče se refundacija troškova u skladu sa Odlukom Upravnog Federalnog zavoda osiguranja i reosiguranja broj:02/III-01-1-963/11.

Za provođenje ovog programa u 2022. godini, planiraju se sredstva u iznosu od 20.000 KM.

#### **2.7. Usluge dobrovoljnog i anonimnog savjetovanja i testiranja na HIV/AIDS**

Ovaj program uključuje finansiranje dobrovoljnog, anonimnog i besplatnog testiranja i savjetovanja za sva lica iz grupe rizičnih slučajeva koji su definisani dokumentom "BH konsenzus o dijagnostičko-terapeutskim smjernicama za HIV/AIDS", koja se prijave dobrovoljno za uključivanje u postupak testiranja i savjetovanja.

Za finansiranje usluga dobrovoljnog i anonimnog savjetovanja i testiranja na HIV/AIDS u 2022. godini planirana su sredstva u iznosu od 100.000 KM.

Planiranim sredstvima finansirat će se:

- testiranje na HIV (prvi test- Elisa, Combo), prema utvrđenim cijenama po jednom testu;
- savjetovanje prije i nakon testiranja, prema utvrđenim cijenama po pacijentu;
- dijagnosticiranje za sve slučajeve kojima je nakon prvog testiranja, nalaz testa na HIV pozitivan, po cijenama utvrđenim pojedinačno za dijagnostičke postupke: Western -Blot, PCR- kvantitativni, PCR kvalitativni i genotipizacija;
- testiranje na hepatitis C licima koja su u programu dobrovoljnog, anonimnog i besplatnog savjetovanja i testiranja na HIV/AIDS, prema utvrđenim cijenama po jednoj usluzi.

Sredstvima federalnog fonda solidarnosti neće se finansirati ostali bolnički troškovi liječenja oboljelih od HIV/AIDS-a.

## **2.8. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu**

Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu odnosi se na svu novorođenu djecu u Federaciji BiH u 2022. godini.

U okviru ovog programa sredstvima federalnog fonda solidarnosti finansiraće se pružanje slijedećih usluga:

- skrining na kongenitalni hipotireoidizam;
- skrining na fenilketonuriju;
- skrining na adrenalnu hiperplasiu;
- dijagnosticiranja i liječenja svih otkrivenih slučajeva hipotireoze i fenilketonurije tokom testiranja.

Usluge testiranja na hipotireoidizam, fenilketonuriju i adrenalnu hiperplasiu plaćaće se po cijenama utvrđenim po jednom testu, a usluge dijagnosticiranja i liječenje otkrivenih slučajeva sa hipotireozom i fenilketonurijom po jediničnim cijenama utvrđenim za svaku pojedinačnu dijagnostičku uslugu, BO dane tokom ležanja u bolnici, kao i troškovi specijalne ishrane djece oboljele od fenilketonurije, s tim da je utvrđen maksimalni iznos troškova dijagnosticiranja i liječenja djece od hipotireoze i fenilketonurije po jednom slučaju/djetetu godišnje koji se finansira sredstvima federalnog fonda solidarnosti.

Za finansiranje ovog programa u 2022. godini planirana su sredstva u iznosu 250.000 KM.

## **2.9. Usluge iz oblasti kardiologije i kardiohirurgije**

Za finansiranje usluga iz oblasti kardiologije i kardiohirurgije koje se pružaju u zdravstvenim ustanovama u Federaciji BiH, za 2022. godinu, planiraju se sredstva u ukupnom iznosu od 35.000.000 KM.

Za usluge invazivne i interventne kardiologije, pored utvrđene cijene za uslugu, posebno će se priznavati troškovi za ugrađene implantate – stentove u skladu sa važećim cjenovnikom implantata odobrenim od strane Upravnog odbora Zavoda. Trošak za ugrađene stentove će se priznati uz dokaz da je izvršena nabavka i ugradnja stenta, a koji se dostavlja uz fakturu o izvršenoj usluzi.

Ukupan obim zdravstvenih usluga iz programa kardiologije i kardiohirurgije i pojedinačno za svaku zdravstvenu ustanovu će biti utvrđen Planom obima usluga za 2022. godinu.

Ukoliko se broj indiciranih slučajeva za usluge iz ovog programa poveća u odnosu na planirani obim usluga i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

Stručna služba Federalnog zavoda osiguranja i reosiguranja će u 2022. godini redovno pratiti izvršenje planiranog sadržaja i obima usluga, evidencije pacijenata na Listi čekanja, redoslijed prioriteta u pružanju usluga pacijentima sa Liste čekanja, pružanje usluga u hitnim slučajevima, te izvršenje programa usmjeravati u okviru planiranog obima usluga, odnosno planiranih rashoda za izvršenje ovog programa.

## **2.10. Usluge iz oblasti neurohirurgije**

Rashodi za pružanje usluga iz oblasti neurohirurgije u zdravstvenim ustanovama u Federaciji BiH tokom 2022. godine, planiraju se u iznosu od 4.000.000 KM.

Operativni neurohirurški zahvati u zdravstvenim ustanovama plaćaće se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za sve operativne zahvate kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan obim zdravstvenih usluga iz programa neurohirurgije, kao pojedinačno za svaku zdravstvenu ustanovu u Federaciji BiH za 2022. godinu, će biti utvrđen Planom obima usluga za 2022. godinu.

Ukoliko se broj indiciranih slučajeva za operativne zahvate iz oblasti neurohirurgije u toku 2022. godine poveća u odnosu na planirani obim i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

## **2.11. Usluge iz oblasti ortopedije i traumatologije**

Za usluge iz oblasti ortopedije i traumatologije u 2022. godini, planiraju se sredstva u iznosu od 500.000 KM.

Planiranim sredstvima finansiraće se operativni zahvati deformiteta kičme kod djece, multipli prelomi kičme i multipli prelomi karlice, po cijenama prema važećem

Cjenovniku zdravstvenih usluga koje se finansiraju sredstvima federalnog fonda solidarnosti.

Za operativne zahvate deformiteta kičme kod djece posebno će se priznavati i plaćati troškovi ugrađenih implantata u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan obim zdravstvenih usluga iz ortopedije i traumatologije, kao i pojedinačno za svaku zdravstvenu ustanovu u Federaciji BiH za 2022. godinu, će biti utvrđen Planom obima usluga za 2022. godinu.

Ukoliko se broj indiciranih slučajeva za operativne zahvate ortopedije i traumatologije u toku 2022. godine poveća u odnosu na planirani obim i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

## **2.12. Usluge iz oblasti torakohirurgije**

Za usluge torakohirurgije u 2022. godini planiraju se sredstva u iznosu od 400.000 KM.

U okviru ovog programa planiranim sredstvima u 2022. godini finansirati će se usluge operativnih zahvata karcinoma bronha i karcinoma jednjaka, po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Ukupan obim zdravstvenih usluga iz torakohirurgije, kao i pojedinačno za svaku zdravstvenu ustanovu u Federaciji BiH za 2022. godinu, će biti utvrđen Planom obima usluga za 2022. godinu.

## **2.13. Usluge iz oblasti transplantologije**

Za zdravstvene usluge iz oblasti transplantologije u 2022. godini planiraju se rashodi u ukupnom iznosu od 2.500.000 KM.

U okviru programa transplantologije, sredstvima federalnog fonda solidarnosti u 2022. godini finansirat će se slijedeće usluge:

- dijagnostičke i laboratorijske pretrage za uvrštavanje na listu čekanja za transplantaciju bubrega, dijagnostičke i laboratorijske pretrage u svrhu održavanja na Listi čekanja i pretrage u slučaju kliničkih indikacija, za dijalizirane bolesnike kod kojih postoji indikacija za transplantaciju bubrega ( sa živog davaoca ili kadavera );
- priprema za transplantaciju bubrega sa živog davaoca i transplantacija bubrega sa živog davaoca;
- transplantacija jetre sa živog davaoca;
- transplantacija organa sa kadavera:
- utvrđivanje moždane smrti
- održavanje kadaveričnog donora
- eksplantacija organa

- transplantacija bubrega sa kadavera
- transplantacija jetre sa kadavera
- transplantacija rožnjače sa kadavera.
- tipizacija tkiva za transplantaciju matičnih ćelija, kriokonzervacija matičnih ćelija i transplantacija matičnih ćelija hematopoeze ( autologna transplantacija);
- alogena transplantacija koštane srži
- usluge transplantacijskog koordinatora

Usluge transplantologije finansiraće se po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a usluge dijagnostičkih i laboratorijskih pretraga za dijalizirane bolesnike koji se upućuju na Listu čekanja za transplantacija bubrega po jediničnim cijenama utvrđenim Tarifom zdravstvenih usluga u Federaciji BiH.

Broj usluga koji će se finansirati u 2022. godini će se utvrditi Planom obima usluga, u skladu sa planiranim sredstvima za ovaj program u 2022. godini, a pružanje usluga će se ugovoriti sa ovlaštenim zdravstvenim ustanovama, saglasno izdatim rješenjima od strane Federalnog ministarstva zdravstva .

Za određene usluge iz programa transplantologije koje se ne mogu sa uspjehom liječiti u zdravstvenim ustanovama u Federaciji BiH, pacijenti će se upućivati na liječenje u zdravstvene ustanove u inostranstvo, a u skladu sa Pravilnikom o uslovima i postupku upućivanja osiguranih lica na liječenje u inostranstvo.

#### **2.14. Usluge iz oblasti nuklearne medicine**

Iz oblasti nuklearne medicine sredstvima federalnog fonda solidarnosti finansiraće se usluge visokodozne terapije radioaktivnim jodom J-131.

Sredstva za pružanje ovih usluga u 2022. godini planiraju se sredstva u iznosu od 250.000 KM.

#### **2.15. Usluge PET/CT**

Sredstvima federalnog fonda solidarnosti za 2022. godinu će se finansirati usluge PET/CT pretraga za djecu do 18 godina. Usluge će se plaćati po utvrđenim jediničnim cijenama, a za 2022. godinu planirana su sredstva u ukupnom iznosu od 10.000 KM.

#### **2.16. Usluge iz oblasti vaskularne hirurgije i invazivno-interventnih procedura na krvnim sudovima**

U 2022. godini finansirati će se najsloženiji operativni zahvati iz oblasti vaskularne hirurgije (operacije krvnih sudova glave i vrata, operacije aneurizme abdominalne aorte) i invazivno-interventnih dijagnostičko-terapijskih procedura na krvnim sudovima (procedure na cerebralnim krvnim sudovima, karotidama, te stentiranje i koilovanje aneurizmi).

Usluge iz oblasti vaskularne hirurgije i invazivno-interventnih dijagnostičko-terapijskih procedura na krvnim sudovima finansiraće se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za sve zdravstvene usluge iz ovog programa, kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti.

Za usluge iz ovog programa u 2022. godini planiraju se rashodi u ukupnom iznosu od 4.500.000 KM.

Ukupan obim zdravstvenih usluga iz oblasti vaskularne hirurgije, kao i invazivno interventnih dijagnostičko-terapijskih procedura pojedinačno za svaku zdravstvenu ustanovu u Federaciji BiH za 2022. godinu, će biti utvrđen Planom obima usluga za 2022. godinu.

### **2.17. Usluge iz oblasti urologije**

U 2022. godini finansiraće se pružanje najsloženijih usluga iz oblasti urologije i to: implantacija vještačkog sfinktera uretre, AMS-800 i cistektomija sa supraviezikalnom derivacijom (Bricker, Mainz-Pouch, Hautman).

Usluge iz oblasti urologije plaćati će se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti. Za uslugu implantacije vještačkog sfinktera uretre, pored cijene usluge posebno će se priznavati i plaćati troškovi implantata po stvarnim cijenama po kojima ih zdravstvena ustanova nabavlja, uz dokaz da je implantat nabavljen i ugrađen pacijentu.

Za navedene usluge u 2022. godini planiraju se rashodi u iznosu od 140.000 KM.

### **2.18. Terapija hiperbaričnom komorom**

U 2022. godini finansiraće se pružanje usluga terapije u hiperbaričnoj komori za oboljenja: komplikacija malignih oboljenja nakon radijacione terapije, multiple skleroze, te stanja nakon transplantata kože i reimplantata dijelova ekstremiteta.

Za usluge terapije hiperbaričnom komorom u 2022. godini planiraju se sredstva u iznosu od 50.000 KM.

## **3. LIJEKOVI I POTROŠNI MEDICINSKI MATERIJAL**

U 2022. godini sredstvima federalnog fonda solidarnosti će se finansirati nabavka lijekova utvrđenih Odlukom o Listi lijekova fonda solidarnosti Federacije BiH („Sl. novine Federacije BiH“ br.47/19 i 90/19), (u daljem tekstu Lista lijekova fonda solidarnosti) kao i medicinskih sredstava, potrošnog materijala za dijalizirane bolesnike, te aparata, pumpica i trakica za mjerenje šećera u krvi kod djece sa dijabetesom- inzuloovisnicima.

Nabavku svih lijekova će vršiti Federalni zavod osiguranja i reosiguranja na osnovu Plana javnih nabavki koje se finansiraju sredstvima federalnog fonda solidarnosti za 2022. godinu, a u skladu sa Zakonom o javnim nabavkama BiH.

Izuzetno, troškovi nabavke lijekova koji se nalaze na Listi lijekova Fonda solidarnosti FBiH, a koje je osigurano lice nabavilo iz vlastitih sredstava, refundiraće se ukoliko ih u određenom vremenskom periodu nije bilo na raspolaganju u zdravstvenoj ustanovi, zbog zastoja u isporuci iz opravdanih razloga ili zbog nestašice, odnosno poremećaja na tržištu pod uslovima i na način propisom Odlukom Upravnog odbora Federalnog zavoda osiguranja i reosiguranja, broj:02/I-01-1-1054-1/14, od 11.04.2014. godine.

Finansijskim planom za 2022. godinu ukupno planirana sredstva za finansiranje nabavke lijekova i potrošnog medicinskog materijala su 106.817.000 KM. Sredstva su raspoređena kako slijedi.

### **3.1. Citostatici**

Finansijskim planom za 2022. godinu planirana su sredstva za nabavku citostatika u iznosu od 56.787.000 KM. Planirana sredstva za ovu grupu lijekova nisu dostatna za postojeći nivo pacijenata i za sve novouvedene lijekove u toku 2021. godine. Procjena je da će da bi se bi se održao broj liječenih pacijenata iz 2021. godine i u narednoj godini biti potrebno obezbijediti dodatnih cca 10 mil. KM. Ukoliko se ne obezbijede dodatna sredstva povećanje broja pacijenata na listama čekanja će biti neminovno. Takođe napominjemo da je na 30.06.2021. godine na listama čekanja za ovu grupu lijekova bilo 447 pacijenata za čije bi liječenje bilo potrebno izdvojiti dodatnih cca 25 mil. KM.

Nabavku citostatika će izvršiti Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2022. godinu, a u skladu sa Zakonom o javnim nabavkama BiH. Plan javnih nabavki je urađen u skladu sa ovim finansijskim planom i istim nisu planirane nabavke novih citostatika sa posebnim režimom propisivanja koji su uvedeni novom Odlukom o Listi lijekova.

Upotrebu citostatika sa posebnim režimom propisivanja odobrava ovlaštena Komisija Federalnog zavoda osiguranja i reosiguranja prema medicinskim indikacijama saglasno Uputstvu o načinu propisivanja, odnosno odobravanja primjene lijekova.

Pacijentima kojima se indicira terapija citostaticima sa posebnim režimom propisivanja omogućiće se terapije neposredno po izdavanju saglasnosti od strane nadležne komisije, a u slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputstvom o uspostavi liste čekanja za lijekove sa Liste lijekova fonda solidarnosti Federacije BiH.

### **3.2. Lijekovi za dijalizu**

U 2022. godini planiraju se sredstva za nabavku lijekova koji se koriste u terapiji tokom dijaliznog tretmana, u ukupnom iznosu od 6.200.000 KM. Nabavka lijekova u tretmanu dijalize vršit će se za one lijekove koje se nalaze na Listi lijekova fonda solidarnosti Federacije BiH.



### **3.3. Potrošni materijal za dijalizu**

Finansijskim planom fonda solidarnosti za 2022. godinu za nabavku potrošnog dijaliznog materijala planirana su sredstva u iznosu od 17.500.000 KM. Nabavka potrošnog materijala izvršit će se za pacijente kojima se pružaju usluge hronične i akutne hemodijalize u zdravstvenim ustanovama-dijaliznim centrima, kao i za pacijente koji su na programu peritonealne dijalize.

Potrebne količine potrošnog materijala i lijekova se utvrđuju prema procjeni broja pacijenata na hroničnom i akutnom dijaliznom tretmanu i broja pacijenata na peritonealnoj dijalizi na osnovu utvrđenih normativa utrošaka po jednoj dijalizi, a u skladu sa odredbama Pravilniku o uvjetima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize ("Sl. novine Federacije BiH", br. 89/11, 101/14 i 1/18).

### **3.4. Lijekovi za liječenje oboljelih od hemofilije**

Za nabavku lijekova za liječenje oboljelih od hemofilije u 2022. godini planiraju se sredstva u iznosu od 7.850.000 KM. Nabavku lijekova za hemofiliju (faktora koagulacije) izvršiće Federalni zavod osiguranja i reosiguranja.

### **3.5. Humani imunoglobulini**

Za nabavku humanog imunoglobulina u 2022. godini planirana su sredstva u iznosu od 800.000 KM. Ova sredstva su planirana na bazi kretanja rashoda u prvom polugodištu 2020. godini, kao i procjeni izvršenja do kraja godine.

Nabavku lijekova izvršiće Federalni zavod osiguranja i reosiguranja prema Planu javni nabavki koje se finansiraju sredstvima federalnog fonda solidarnosti za 2022. godinu, a u skladu sa Zakonom o javnim nabavkama.

### **3.6. Lijekovi za liječenje oboljelih od Hepatitisa C i B**

Planirana sredstva za nabavku lijekova za liječenje oboljelih od Hepatitisa C i teških oblika Hepatitisa B u 2022. godini su 3.500.000 KM.

Za liječenje oboljelih od Hepatitisa C i težih oblika Hepatitisa B sredstvima federalnog fonda solidarnosti u 2022. godini finansiraće se nabavka lijekova utvrđenih Listom lijekova Fonda solidarnosti Federacije BiH.

Nabavku lijekova izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2022. godinu, a u skladu sa Zakonom o javnim nabavkama.

### **3.7. Lijekovi za liječenje multiple skleroze**

U 2022. godini planiraju se sredstva za nabavku lijekova za liječenje oboljelih od multiple skleroze u iznosu od 5.500.000 KM. Planirana sredstva za nabavku ove grupe lijekova su dostatna samo za dosegnuti nivo broja liječenih pacijenata sa 30.06.2021. godine. Na isti dan na listi čekanja su bila 52 pacijenta. Za liječenje svih pacijenata procjenjuje se da bi bilo potrebno obezbijediti dodatnih 3 mil. KM.

Nabavku lijekova izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2022. godinu, a u skladu sa Zakonom o javnim nabavkama.

U slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputstvom o uspostavi liste čekanja za lijekove sa Liste lijekova fonda solidarnosti Federacije BiH.

### **3.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)**

Planirana sredstva za nabavka lijekova u svrhu liječenja oboljelih od Chronove bolesti i ulceroznog kolitisa u 2022. godini su 3.100.00 KM.

Nabavku lijekova će izvršiti Federalni zavod osiguranja i reosiguranja, saglasno važećoj Listi lijekova fonda solidarnosti Federacije BiH i Planu javnih nabavki koje se finansiraju sredstvima federalnog fonda solidarnosti za 2022. godinu, a po postupku propisanom Zakonom o javnim nabavkama Bosne i Hercegovine.

U slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputstvom o uspostavi liste čekanja za lijekove sa Liste lijekova fonda solidarnosti Federacije BiH.

### **3.9. Lijekovi za liječenje plućne hipertenzije kod djece**

U skladu sa posljednjom Odlukom o Listi lijekova Fonda solidarnosti Federacije BiH na Listi lijekova u bolničkoj zdravstvenoj zaštiti koji se mogu koristiti na teret fonda solidarnosti uvršteni su lijekovi za liječenje plućne hipertenzije.

U 2022. godini planirana su sredstva za nabavku lijekova za liječenje plućne hipertenzije kod djece u iznosu od 250.000 KM.

### **3.10. Lijekovi za liječenje tuberkuloze**

U skladu sa Odlukom o Listi lijekova Fonda solidarnosti Federacije BiH u 2022. godini sredstvima federalnog fonda solidarnosti će se finansirati nabavka lijekova za liječenje plućne tuberkuloze. Planirana sredstva za ove lijekove iznose 80.000 KM.

### **3.11. Antriretrovirusni lijekovi**

Za liječenje svih registriranih osoba oboljelih od HIV/AIDS-a, sredstvima federalnog fonda solidarnosti u 2022. godini finansiraće se nabavka antiretrovirusnih lijekova sa Liste lijekova fonda solidarnosti Federacije BiH, a nabavku lijekova će vršiti Zavod zdravstvenog osiguranja i reosiguranja Federacije BiH.

Za ovu grupu lijekova planirana su sredstva u ukupnom iznosu od 1.100.000 KM.

### **3.12. Lijekovi za profilaksu respiratornog sincicijalnog virusa (RSV)**

U cilju zaštite prijevremeno rođene djece od respiratornog sincicijalnog virusa u ciljanoj ugroženoj skupini djece mlađe od 24 mjeseca života, u 2022. godini sredstvima federalnog fonda solidarnosti će se financirati nabavka lijeka palivizumab. Lijek će se primjenjivati prema utvrđenim indikacijama i to kod dojenčadi koja su na terapiji kontrole kongestivnog srčanog zatajenja, dojenčadi sa umjerenom do teškom plućnom hipertenzijom i dojenčadi sa cijanotičnim srčanim anomalijama.

Nabavku lijeka izvršiće Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2022. godinu, a po postupku propisanom Zakonom o javnim nabavkama Bosne i Hercegovine.

Rashodi za nabavku lijeka Palivizumab u 2022. godini planiraju se u iznosu od 1.350.000 KM.

### **3.13. Aparati, pumpice i trakice za kontrolu šećera u krvi**

U 2022. godini sredstvima federalnog fonda solidarnosti će se financirati nabavka aparata, pumpica i traka za mjerenje nivoa šećera u krvi za svu djecu u Federaciji BiH do 18 godina starosti, kod kojih je otkriven dijabetes i koja su inzulo-ovisnici.

Nabavku aparata, i traka će izvršiti Federalni zavod osiguranja i reosiguranja na period od tri godine po okvirnom sporazumu u skladu sa Zakonom o javnim nabavkama BiH, a nabavka inzulinskih pumpi za djecu će se izvršiti na period od jedne godine.

Ukupno planirana sredstva za nabavku aparata, pumpica i trakica za kontrolu šećera za 2022. godinu su 800.000 KM.

Podjela nabavljenih aparata će se izvršiti svakom djetetu inzulo-ovisniku nakon izvršene nabavke, sa rokom trajanja od tri godine, a podjela trakica će se vršiti jednom godišnje u količini godišnjih potreba.

### **3.14. Imunosupresivni lijekovi**

Sredstvima federalnog fonda solidarnosti u 2022. godini finansiraće se nabavka imunosupresivnih lijekova koji se koriste nakon izvršene transplantacije organa utvrđenih Listom lijekova fonda solidarnosti Federacije BiH.

Nabavku imunosupresivnih lijekova izvršiće Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2022. godinu, a u skladu sa Zakonom o javnim nabavkama Bosne i Hercegovine.

Sredstva za nabavku imunosupresivnih lijekova za 2022. godinu se planiraju u iznosu od 2.000.000 KM, a na osnovu procjenjenih količina za terapiju svim pacijentima sa transplantiranim organima.

## **4. BOLNIČKO LIJEČENJE POV RATNIKA IZ FBIH U OPĆINE U RS**

Bolničko liječenje povratnika iz Federacije BiH u općine u R Srpskoj u zdravstvenim ustanovama u Federaciji BiH planira se sredstvima namjenskog tranfera iz Budžeta Federacije BiH.

Za 2022. godinu se, za ovaj program, planiraju sredstva namjenskog transfera iz Budžeta Federacije BiH u iznosu od 2.000.000 KM, a kako je planirano Budžetskim zahtjevom za 2022. godinu.

Zdravstvene usluge će se plaćati zdravstvenim ustanovama u kojima se pacijenti-povratnici budu liječili saglasno Cjenovniku zdravstvenih usluga koje se finansiraju sredstvima federalnog fonda solidarnosti i Tarifi zdravstvenih usluga Federacije BiH. Upućivanje pacijenata na liječenje će se provoditi saglasno Uputstvu o načinu ostvarivanja bolničke zdravstvene zaštite u zdravstvenim ustanovama u Federaciji BiH povratnika iz Federacije BiH u općine R Srpske.

## **5. LIJEČENJE U INOSTRANSTVU**

Planirana sredstva za liječenje u zdravstvenim ustanovama u inostranstvu u 2022. godini su 12.000.000 KM.

Sredstvima federalnog fonda solidarnosti u 2022. godini finansiraće se troškovi liječenja u zdravstvenim ustanovama u inostranstvu pacijentima sa oboljenjima i stanjima, odnosno povredama, koja se ne mogu uspješno liječiti u zdravstvenim ustanovama u Federaciji BiH, a koja su definirana Pravilnikom o uslovima i postupku upućivanja osiguranih lica na liječenje u inostranstvo.

Upućivanje pacijenata na liječenje u inostranstvo će se vršiti na osnovu izdatih saglasnosti od strane nadležne komisije i to u zdravstvene ustanove u inostranstvu sa kojima Federalni zavod osiguranja i reosiguranja ima zaključene ugovore, odnosno u zdravstvene ustanove država sa kojima Bosna i Hercegovina ima zaključene međudržavne ugovore o socijalnom osiguranju koji predviđaju mogućnost upućivanja osiguranika jedne države na liječenje u drugu državu ugovornicu.

Pravilnikom o uslovima i postupku upućivanja osiguranih lica na liječenje u inostranstvo definirana su oboljenja, odnosno, stanja i povrede koje se ne mogu sa uspjehom liječiti u zdravstvenim ustanovama na teritoriji Federacije BiH i to:

- urođene srčane mane kod djece koje se mogu liječiti operativnim putem;
- oboljenja iz oblasti dječije onkologije;
- neurokirurška oboljenja djece i odraslih koja se mogu uspješno liječiti neurohirurškom operacijom gama, sajber i tubin nožem;
- embolizacija, stentiranje i koilovanje krvnih sudova;
- tumori oka kod djece i odraslih;
- ekstenzivne opekotine preko 60% površine;
- oboljenje jetre, bubrega, pankreasa, srca, rožnice kod djece i odraslih koja se mogu uspješno liječiti transplantacijom;
- oboljenja kod odraslih koja zahtjeva transplantaciju koštane srži;
- elektrofiziološka ispitivanja kompleksnih aritmija sa eventualnom radiofrekventnom ablacijom;
- ugradnja cirkulatorne pumpe;
- oboljenja kod djece izuzetno rijetkih patologija, odnosno oboljenja sa niskom incidencom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja
- osteosarkom kod djece koji se može liječiti operativnim putem

Pravo na liječenje u inostranstvu se može ostvariti samo pod uslovom da su ispunjeni svi propisani uslovi iz navedenog Pravilnika.

Sredstvima namjenjenim za liječenje u inostranstvu će se finansirati i pružanje zdravstvenih usluga za liječenje oboljenja sadržanih u ovom programu u zdravstvenim ustanovama u Federaciji BiH u slučajevima kada se te usluge pružaju uz angažman stranih stručnjaka, saglasno članu 29. Pravilnika o uslovima i postupku upućivanja osiguranih lica na liječenje u inostranstvo.

## **6. PREVENTIVNI PROGRAMI**

U skladu sa Odlukom o utvrđivanju Osnovnog paketa zdravstvenih prava ("Sl.novine Federacije BiH" br.21/09) i Odlukom o utvrđivanju prioriternih vertikalnih programa zdravstvene zaštite od interesa za Federaciju BiH i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije BiH ("Sl.novine Federacije BiH", broj 08/05, 11/07, 44/07, 97a/07, 33/08 i 52/08) u 2022. godini planirana su sredstva u iznosu od 300.000 na ime preventivnih programa. Programom zdravstvene zaštite koji se finansira sredstvima fonda solidarnosti za 2022. godinu će biti utvrđeno koji preventivni program će se finansirati.

## **7. OSTALI RASHODI U FUNKCIJI PROVOĐENJA PROGRAMA SOLIDARNOSTI**

Za ostale rashode u funkciji provođenja programa federalne solidarnosti, saglasno Odluci o kriterijima i načinu korištenja sredstava federalnog fonda solidarnosti, u 2022. godini planiraju se rashodi u ukupnom iznosu od 395.000 KM.

Ostali rashodi u funkciji provođenja programa fonda solidarnosti, a koji se odnose na troškove stručnih komisija, troškove raspisivanja tendera, troškove bankarske provizije u procentu od 60% koji terete fond solidarnosti, kao i ostali neplanirani rashodi.

## **8. SUFINANSIRANJE TROŠKOVA PRUŽENIH ZDRAVSTVENIH USLUGA, NABAVKE LIJEKOVA I MEDICINSKIH SREDSTAVA**

Finansijskim planom federalnog fonda solidarnosti za 2022. godinu planiraju se sredstva za sufinansiranje troškova pruženih zdravstvenih usluga, nabavku lijekova i medicinskih sredstava u ukupnom iznosu od 250.000 KM a u skladu sa Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja koje je donijelo Federalno ministarstvo zdravstva („Sl.novine Federacije BiH“, br.31/02 i 20/19). Odredbama navedenog pravilnika utvrđeno je da osigurana lica mogu ostvariti pravo na sufinansiranje, od strane zavoda zdravstvenog osiguranja, pruženih zdravstvenih usluga i nabavke lijekova. Kriteriji, način i postupak odobravanja će se utvrditi posebnom Odlukom sufinansiranju pruženih zdravstvenih usluga i nabavki lijekova saglasno navedenom Pravilniku.

## **9. TEKUĆA REZERVA**

Finansijskim planom federalnog fonda solidarnosti za 2022. godinu planirana je tekuća rezerva u iznosu od 1.100.000 KM. Ista će se formirati na teret planiranih doprinosa za obavezno zdravstveno osiguranje, a koristiće se u skladu sa Odlukom o načinu izvršavanja Finansijskog plana Zavoda za 2022. godinu.

Na osnovu člana 27.stav 2. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, br. 102/13, 9/14, 13/14, 8/15, 91/15, 102/15, 104/16, 5/18 i 11/19), člana 104. stav 1. Zakona o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08, 48/11 i 36/18), člana 12. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije Bosne i Hercegovine“, broj: 69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 113. sjednici održanoj 17.11.2021. godine donosi

## O d l u k u

o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu

### I Opće odredbe

#### Član 1.

Ovom Odlukom se utvrđuje način izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu (u daljem tekstu: Finansijski plan), struktura prihoda i rashoda Finansijskog plana i njihovo izvršavanje, dinamika i prioriteti u plaćanju obaveza, planiranje novčanih tokova i finansijsko izvještavanje.

### II Struktura prihoda i rashoda

#### Član 2.

Finansijski plan Zavoda zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) se sastoji od plana ukupnih prihoda po izvorima sredstava koje ostvaruje Federalni zavod i iskazanih rashoda po namjenama.

#### Član 3.

Planirani prihodi Federalnog zavoda po izvorima sredstava ostvarivaće se u skladu sa Zakonom o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08, 48/11 i 36/18), Zakonom o budžetima u Federaciji Bosne i Hercegovine („Službene novine Federacije Bosne i Hercegovine“, broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Zakonom o doprinosima („Službene novine Federacije Bosne i Hercegovine“, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19 i 04/21), Odlukom o utvrđivanju posebnog doprinosa za zdravstvenu zaštitu radnika na privremenom radu u inostranstvu („Službene novine Federacije Bosne i Hercegovine“, broj: 74/08 i V.br. 470/2020 od 26.03.2020.) i drugim propisima koji regulišu ovu oblast, kao i mjerama koje će Federalni zavod poduzimati u okviru svoje nadležnosti, te aktivnostima drugih subjekata koji na direktan ili indirektan način sudjeluju i utječu na ostvarenje prihoda.

Plan prihoda sastoji se od:

- prihoda od doprinosa za obavezno zdravstveno osiguranje utvrđenih Zakonom o doprinosima;
- prihoda od paušalnih naknada za zdravstveno osiguranje ino-osiguranika;
- prihoda od posebnog doprinosa za zdravstvenu zaštitu radnika na privremenom radu u inostranstvu;
- sredstava iz Budžeta Federacije Bosne i Hercegovine;
- prihoda od inostranih vlada i međunarodnih organizacija;
- prihoda od donacija i
- ostalih prihoda.

Donacije koje nisu planirane u Finansijskom planu, a ostvare se u toku fiskalne godine raspoređivat će se, do visine uplaćenih sredstava, u svrhu za koju su namjenjeni.

#### Član 4.

Plan rashoda se sastoji od:

- rashoda za finansiranje programa zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga u zdravstvenim ustanovama u Federaciji Bosne i Hercegovine i u zdravstvenim ustanovama u inostranstvu za oboljenja utvrđena Pravilnikom o uvjetima i postupku upućivanja osiguranih lica za liječenje u inostranstvo („Službene novine Federacije Bosne i Hercegovine“, br. 93/13, 102/15, 16/19 i 22/19), te nabavku lijekova i medicinskog materijala;
- rashoda za zdravstvenu zaštitu detaširanih radnika;
- rashoda za finansiranje plaća (neto plaće sa pripadajućim porezima i doprinosima) i ostalih prava iz radnog odnosa uposlenika Federalnog zavoda, te materijalnih i ostalih troškova Stručne službe Federalnog zavoda;
- kapitalnih izdataka Stručne službe;
- rashoda po odlukama Upravnog odbora.

Plan rashoda federalnog fonda solidarnosti se sastoji od plana rashoda za namjene koje su određene zakonskim propisima, a raspoređuju se po programima zdravstvene zaštite koji se finansiraju sredstvima federalnog fonda solidarnosti u Bosni i Hercegovini i u inostranstvu.

### III Fiskalna odgovornost

#### Član 5.

Finansijsko upravljanje i kontrola će se uspostaviti u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije Bosne i Hercegovine“, broj: 38/16), a na osnovu podzakonskih akata koje donosi Federalno ministarstvo finansija.

#### Član 6.

Direktorica Federalnog zavoda će dostaviti Izjavu o fiskalnoj odgovornosti do 15. marta 2023. godine za prethodnu godinu nadležnim ministarstvima u skladu sa

Pravilnikom o obliku, sadržaju, načinu popunjavanja i predaji izjave o fiskalnoj odgovornosti.

#### IV Korištenje sredstava

##### Član 7.

Finansijski plan je uravnotežen tako da ukupni prihodi i primici pokrivaju ukupne rashode i izdatke. Prihodi i primici služe za podmirivanje rashoda i izdataka, osim ako ovom Odlukom nije drugačije propisano.

Sredstva odobrena u Finansijskom planu se mogu koristiti samo za namjene i do visine koje su određene Finansijskim planom.

#### V Izvršavanje Finansijskog plana

##### Član 8.

Sredstva od doprinosa za obavezno zdravstveno osiguranje, kao i druga sredstva koja imaju karakter javnih prihoda i primitaka, se uplaćuju na depozitni račun, te se iskazuju po izvorima iz kojih potiču. Sva sredstva sa depozitnog računa na kraju dana se prebacuju na transakcijske račune.

Odabir banke za otvaranje računa vrši se u skladu sa propisima kojima se uređuju javne nabavke.

##### Član 9.

Finansiranje programa zdravstvene zaštite na teret planiranih rashoda federalnog fonda solidarnosti vršit će se u skladu sa Finansijskim planom i Programom zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga i nabavku lijekova i medicinskog materijala.

Finansiranje pružanja zdravstvenih usluga u zdravstvenim ustanovama u Federaciji Bosne i Hercegovine vršit će se na osnovu zaključenih ugovora između Federalnog zavoda i zdravstvenih ustanova nakon provedenih postupaka saglasno Zakonu o javnim nabavkama („Službeni glasnik Bosne i Hercegovine”, broj: 39/14) i to do visine ugovorenog obima i vrijednosti ugovorenih usluga.

Finansiranje nabavke lijekova će se vršiti na osnovu zaključenih ugovora sa odabranim dobavljačima, nakon provedenog postupka javne nabavke u skladu sa Zakonom o javnim nabavkama. Nabavka lijekova će se vršiti najviše do iznosa sredstava planiranih Finansijskim planom i Planom javnih nabavki, za 2022. godinu.

Finansiranje liječenja u inostranstvu vršit će se na osnovu zaključenih ugovora sa zdravstvenim ustanovama u inostranstvu, međunarodnim sporazumima o socijalnom osiguranju, a u skladu sa Pravilnikom o uslovima i postupku upućivanja osiguranih lica na liječenje u inostranstvo. Upućivanje na liječenje u inostranstvo će se vršiti do visine sredstava odobrenih Finansijskim planom.

Troškovi zdravstvene zaštite detaširanih radnika finansirat će se namjenskim sredstvima, a plaćanje će se vršiti po ispostavljenim fakturama od inostranih nosilaca zdravstvenog osiguranja.



#### Član 10.

Izdaci za plaće i naknade troškova zaposlenih u Stručnoj službi Federalnog zavoda će se izvršavati u skladu sa Pravilnikom o radu i drugim općim aktima Federalnog zavoda kao i propisima, koji regulišu ovu oblast, a najviše do visine utvrđene Finansijskim planom.

Izdaci za materijalne troškove i usluge Stručne službe Zavoda će se izvršavati u skladu sa općim aktima Federalnog zavoda, do visine utvrđene Finansijskim planom.

Izdaci za kapitalne izdatke će se izvršavati u skladu sa Planom javnih nabavki za 2022. godinu, do visine planiranih sredstava.

#### Član 11.

U slučaju potrebe, u toku fiskalne godine, na prijedlog direktorice, Upravni odbor Federalnog zavoda, uz prethodnu saglasnost Federalnog ministarstva zdravstva, može donijeti Odluku o preraspodjeli rashoda u okviru ukupno odobrenog iznosa Finansijskim planom, a najviše do 10% ukupno odobrenih rashoda.

Odluku iz prethodnog stava Upravni odbor Federalnog zavoda može donositi i više puta u toku 2022. godine, a najviše jednom kvartalno.

Preraspodjela sredstava u okviru ukupno odobrenih sredstava Finansijskim planom, vršit će se na osnovu izvještaja o izvršenju rashoda planiranih Finansijskim planom za federalni fonda solidarnosti, zdravstvenu zaštitu detaširanih radnika i Stručnu službu.

Izvršavanje programa federalnog fonda solidarnosti po pitanju pružanja usluga u zdravstvenim ustanovama u zemlji i inostranstvu, potrebe za nabavkom lijekova uvjetovane su incidencom, brojem oboljelih pacijenata, brojem pacijenata na listama čekanja za zdravstvene usluge i lijekove, zbog čega se mogu očekivati odstupanja u odnosu na planirani sadržaj i obim zdravstvenih usluga i količine potrebnih lijekova, te time i nužnost preraspodjele u okviru pojedinih pozicija rashoda.

Izuzetno od stava 1. ovog člana, Upravni odbor, na prijedlog direktorice Federalnog zavoda, može donijeti Odluku o preraspodjeli planiranih sredstava u okviru iste grupe rashoda - konta više puta, kada je neophodno osigurati kontinuitet u izvršenju Programa federalnog fonda solidarnosti.

Odluku o preraspodjeli sredstava u okviru ovih pozicija na prijedlog direktorice Federalnog zavoda, donosi Upravni odbor.

#### Član 12.

Sredstva tekuće rezerve, planirana u Finansijskom planu, koristit će se za nepredviđene namjene, za koje u Finansijskom planu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju i izradi Finansijskog plana nije bilo moguće predvidjeti.

Izdavanja za tekuću rezervu ne smiju preći 3% planiranih prihoda.

### Član 13.

Korištenje sredstava tekuće rezerve odobrava Upravni odbor Federalnog zavoda na prijedlog direktorice.

Izveštaji o utrošku finansijskih sredstava iz tekuće rezerve podnose se Upravnom odboru kvartalno u skladu sa Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine“, br. 69/14, 14/15, 4/16, 19/18).

### Član 14.

Godišnjim i kvartalnim planovima novčanih tokova, iskazanih po mjesecima, predviđa se priliv i odliv sredstava na depozitnom računu Federalnog zavoda. Planovi novčanih tokova predstavljaju osnovu za izvršavanje Finansijskog plana.

### Član 15.

Direktorica Federalnog zavoda je odgovorna za upravljanje prihodima i rashodima Federalnog zavoda.

### Član 16.

Upravni odbor Federalnog zavoda ima odgovornost da prati i održi ravnotežu ostvarenih prihoda i rashoda u skladu sa Finansijskim planom.

## VI Dinamika plaćanja i prioriteta

### Član 17.

Finansijski plan će se izvršavati po slijedećim prioritetima.

1. Izvršenje zdravstvenih usluga utvrđenih u programu zdravstvene zaštite u zemlji i inostranstvu u okviru federalnog fonda solidarnosti i zdravstvene zaštite detaširanih radnika,
2. Izdaci za nabavku lijekova i potrošnog medicinskog materijala,
3. Plaće, doprinosi, porezi i naknade zaposlenih,
4. Naknade članovima Upravnog odbora i stručnim komisijama,
5. Materijalni troškovi za Stručnu službu,
6. Kapitalni izdaci i
7. Ostali troškovi i izdaci.

## VII Načelo modificiranog nastanka događaja

### Član 18.

Priznavanje prihoda i primitaka, te rashoda i izdataka putem sistema glavne knjige provodi se po načelu modificiranog nastanka događaja. Prihodi i primici priznaju se u onom periodu kada su mjerljivi i raspoloživi, tj. kada su uplaćeni na račun, a rashodi i izdaci priznaju se u onom periodu kada je obaveza za plaćanje nastala.

## VIII Interna kontrola i interna revizija

### Član 19.

Praćenje i ocjenjivanje sistema interne kontrole vrši interna revizija u skladu sa propisima i standardima koji regulišu oblast interne revizije.

## IX Finansijsko izvještavanje

### Član 20.

Federalni zavod će vršiti finansijsko izvještavanje u skladu sa odredbama i rokovima utvrđenim Pravilnikom o finansijskom izvještavanju i Godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine“, br. 69/14, 14/15, 4/16 i 19/18).

Izvještaje iz stava 1. ovog člana, Federalni zavod će podnositi na propisanim obrascima.

Federalni zavod će, pored izvještaja iz prethodnog stava, podnositi Federalnom ministarstvu zdravstva kvartalne izvještaje o utrošenim sredstvima namjenskih transfera iz Budžeta Federacije Bosne i Hercegovine.

Stručna služba Federalnog zavoda će podnijeti Upravnom odboru Federalnog zavoda polugodišnji izvještaj o izvršenju Finansijskog plana sa detaljnim obrazloženjima o ostvarenim prihodima i rashodima, provođenju programa federalnog fonda solidarnosti, sa prijedlozima mjera u cilju uravnoteženja ostvarenih prihoda i izvršenih rashoda.

Stručna služba Federalnog zavoda će podnijeti Upravnom odboru Federalnog zavoda godišnji obračun i izvještaj o izvršenju Finansijskog plana sa detaljnim obrazloženjima prije roka za dostavu istog nadležnim institucijama (Vladi i Parlamentu Federacije Bosne i Hercegovine), na usvajanje.

Stručna služba će sačinjavati mjesečne informacije o izvršenom obimu i vrijednosti ugovorenih usluga, iskazanim troškovima za lijekove i medicinski materijal, sa iskazanim odstupanjima izvršenja u odnosu na plan i dostavljati ih direktorici Federalnog zavoda radi poduzimanja mjera na usklađivanju ostvarenja u odnosu na Finansijski plan, a u slučaju značajnijih odstupanja direktorica je u obavezi izvjestiti Upravni odbor.

## X Završne odredbe

### Član 21.

Na sva pitanja koja nisu regulisana ovom Odlukom, primjenjivat će se odredbe važećih zakona i drugih propisa.

Član 22.

Ova Odluka stupa na snagu naredni dan po dobivanju saglasnosti na Parlamentu Federacije Bosne i Hercegovine.

Broj: 02/V-01-1-3554-1/21

Sarajevo, 17.11.2021. godine



*[Handwritten signature]*  
Predsjednica Upravnog odbora  
Snježana Bodnaruk, dipl.iur.

## Obrazloženje Finansijskog plana

### I-Pravni osnov

Pravni osnov za donošenje ove Odluke sadržan je u odredbi člana 27. stav 2. Zakona o budžetima u Federaciji Bosne i Hercegovine po kojoj finansijski plan vanbudžetskog fonda sa odlukom o izvršavanju finansijskog plana donosi nadležni organ utvrđen zakonom, odnosno aktom tog fonda na način predviđen tim propisima i pod uvjetima određenim ovim zakonom.

Također, u odredbi člana 104. stav 1. Zakona o zdravstvenom osiguranju i odredbi člana 12. Statuta Zavoda zdravstvenog osiguranja i reosiguranja Federacije Bosne i Hercegovine propisano je da Upravni odbor Zavoda zdravstvenog osiguranja i reosiguranja Federacije Bosne i Hercegovine odlučuje o određenim pitanjima i donosi akte saglasno svojim nadležnostima.

### II- Razlozi donošenja

Razlozi za donošenje Odluke su da se definiše operativan pristup izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu (u daljem tekstu: Finansijski plan), iskaže struktura prihoda i rashoda i njihova realizacija, dinamika i prioriteti u plaćanju obaveza, planiranje novčanih tokova i finansijsko izvještavanje, a sve u cilju potpunih ostvarivanja ciljeva Zavoda zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) uz postizanje potrebnih sredstava za to (prihodi) kao i ekonomičnog postupanja kod rashoda putem kontrolnih aktivnosti na način da bi se postigao pozitivan finansijski rezultat i blagovremeno izmirile sve stvorene obaveze prema povjeriocima.

### III- Obrazloženje pravnih rješenja

U tački I ove Odluke - Opće odredbe, u članu 1., precizirano je da se ovom Odlukom utvrđuje način izvršavanja Finansijskog plana, kao i struktura prihoda i rashoda Finansijskog plana i njihovo izvršavanje, dinamika i prioriteti u plaćanju obaveza, planiranje novčanih tokova i finansijsko izvještavanje.

U tački II ove Odluke - Struktura prihoda i rashoda u članovima od 2.do 4., precizirano je da se Finansijski plan sastoji od plana ukupnih prihoda po izvorima sredstava koje ostvaruje Federalni zavod i rashoda koji uključuju rashode federalnog fonda solidarnosti, rashode za zdravstvenu zaštitu detaširanih radnika i rashode i kapitalne izdatke Stručne službe, te je precizirano od čega se sastoje ovi planovi, u skladu sa kojim propisima će se ostvarivati. Također je precizirano od čega se sastoji plan prihoda i da će se donacije namjenski raspoređivati, a precizirano je i od čega se sastoji plan rashoda.

U tački III ove Odluke - Fiskalna odgovornost, u članovima 5. i 6., precizirano je da će se finansijsko upravljanje i kontrola uspostaviti u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine, a na osnovu podzakonskih akata koje donosi Federalno ministarstvo finansija.

Takođe je precizirano do kada će direktorica Federalnog zavoda dostaviti Izjavu o fiskalnoj odgovornosti nadležnim ministarstvima, u skladu sa propisima.

U tački IV ove Odluke - Korištenje sredstava, u članu 7., precizirano je da Finansijski plan mora biti uravnotežen, te da se utvrđena sredstva mogu koristiti samo za namjene i do visine utvrđene Finansijskim planom.

U tački V ove Odluke - Izvršavanje Finansijskog plana, u članovima od 8. do 16., precizirano je da se svi javni prihodi i primici obavezno uplaćuju na depozitni račun, da se iskazuju po izvorima iz kojih potiču, da se sva sredstva na depozitnom računu na kraju dana prebacuje na transakcijske račune, a da se odabir banke za otvaranje računa vrši u skladu sa propisima kojima se uređuju javne nabavke. Precizirano je da će se finansiranje programa zdravstvene zaštite na teret planiranih rashoda federalnog fonda solidarnosti vršiti u skladu sa Finansijskim planom i Programom zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga i nabavku lijekova i medicinskog materijala. Preciziran je način finansiranja pružanja zdravstvenih usluga u zdravstvenim ustanovama u Federaciji Bosne i Hercegovine, način finansiranja nabavke lijekova kao i način finansiranja liječenja oboljenja u inostranstvu kao i troškova zdravstvene zaštite detaširanih radnika. Pored navedenog preciziran je i način izvršavanja izdataka koji se odnose na izdatke za plaće i naknade troškova zaposlenih, materijalne troškove i usluge Stručne službe, kao i način izvršavanja kapitalnih izdataka. Također, preciziran je način korištenja sredstava iz tekuće rezerve, planiranje novčanih tokova i način preraspodjele rashoda u okviru ukupno odobrenog iznosa rashoda u Finansijskom planu. U okviru ove tačke propisano je da je direktorica Federalnog zavoda odgovorna za upravljanje prihodima i rashodima Federalnog zavoda, a Upravni odbor Federalnog zavoda ima odgovornost da prati i održi ravnotežu ostvarenih prihoda i rashoda u skladu sa Finansijskim planom.

U tački VI ove Odluke - Dinamika plaćanja i prioriteta, u članu 17., precizirano je po kojim će se prioritetima izvršavati Finansijski plan.

U tački VII ove Odluke - Načelo modificiranog nastanka događaja, u članu 18., preciziran je način priznavanja prihoda i primitaka, te rashoda i izdataka putem sistema glavne knjige koji se provodi po načelu modificiranog nastanka događaja.

U tački VIII ove Odluke - Interna kontrola i interna revizija, u članu 19., precizirano je da praćenje i ocjenjivanje sistema interne kontrole vrši interna revizija u skladu sa propisima i standardima koji regulišu oblast interne revizije.

U tački IX ove Odluke - Finansijsko izvještavanje, u članu 20., precizirano je u skladu sa kojim propisima i u kojim rokovima će Federalni zavod vršiti finansijsko izvještavanje, kao i da će se izvještavanje vršiti putem propisanih obrazaca, zatim da podnosi kvartalne izvještaje, na koji način će Stručna služba Federalnog zavoda podnijeti Upravnom odboru Federalnog zavoda polugodišnji izvještaj, na koji način će Stručna služba Federalnog zavoda Upravnom odboru Federalnog zavoda podnijeti godišnji obračun i izvještaj o izvršenju Finansijskog plana te na koji će način, u vezi navedenog, Služba za ekonomiku i planiranje sačinjavati mjesečne informacije i dostavljati ih direktorici Federalnog zavoda.

U tački X ove Odluke - Završne odredbe, u članovima 21. i 22., precizirano je da će se na sva pitanja koja nisu regulisana ovom Odlukom, primjenjivati odredbe važećih

zakona i drugih propisa, te da Odluka stupa na snagu naredni dan po dobivanju saglasnosti na Parlamentu Federacije Bosne i Hercegovine.

#### **IV Finansijska sredstva**

Za donošenje i realizaciju ove odluke nisu potrebna dodatna finansijska sredstva.

Za izvršavanje Finansijskog plana, prema ovoj odluci, osigurat će se sredstva od: planiranih prihoda od doprinosa za obavezno zdravstveno osiguranje, budžeta Federacije Bosne i Hercegovine, paušalnih naknada za zdravstveno osiguranje ino-osiguranika, posebnog doprinosa za zdravstvenu zaštitu radnika na privremenom radu u inostranstvu, donacija i ostalih prihoda.

## OBRAZAC IZJAVA O FISKALNOJ PROCJENI

**Obrazac IFP NE**

### A 1. Obradivač propisa

	KOD	NAZIV
Razdjel	2001	Federalno ministarstvo zdravstva - Zavod zdravstvenog osiguranja i reosiguranja Federacije Bosne i Hercegovine

### 2. Osnovni podaci o prijedlogu propisa

Vrsta propisa/akta	Zakon	NE	Odluka	NE	Strategija	NE
	Uredba	NE	Drugi akti	NE	Drugi akti planiranja	DA
Naziv propisa/akta	Zaključak o prihvatanju Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022.godinu					

### C 3. Izjava o nepostojanju dodatnih fiskalnih efekata predloženog propisa

Donošenje Zaključka o prihvatanju Finansijskog plana Zavoda zdravstvenog osiguranja i reosiguranja FBiH za 2022. godinu neće izazvati dodatne fiskalne efekte, obzirom da je u Finansijskom planu ministarstva za 2022.godinu planirani iznos transfera jednak iznosu transfera u Finansijskom planu Zavoda.

### D 4. Pečat i potpis odgovornog lica

**DIREKTOR: Doc.dr.sci Vlatka Martinović**

Mjesto i datum

Sarajevo, 17.11.2021.

